

臨野堂詩集 八

吳江鉅 琇玉樵著

端暇遊

湖口權署漫述示尹侍讀

朱夏初臨倦解鞍翠微深處快憑欄亭高不覺千
山小江近能令五月寒醴為穆生常獨設缺非齊
客未須彈齋中何事堪消晝奇石雙鐘縱目看

石鐘山登眺同聲山賦

蒼峯一片大江頭矗石嶙峋擁寺樓絕壁半垂浮
地出驚濤中斷入天流橫戈戰畧封雲嶺叩石遊

踪印月洲祇有匡廬真面目盈簾遠色望中收

合題查聲山仗劍擁書二圖

天涯柳色輕於夢池塘香絮鶯銜送玉臺麗人愁
思凝金隄上客羈魂動手挽純鈎錦帶重欲飛不
飛平津龍青門黃埃高沒馬心憐海曲花溶溶陸
離長珮論知己滿眼荒雲竟誰是獨將驟裏繫春
風自把芙蓉淬秋水歸去寒塘舊有廬架擁牙籤
十萬書縹緗脂印尖纖粉蒼叢香沾掩冉裾畫師
意在丹青外閎情寫作花無賴三尺能輸慷慨衷
百篇如見倡狂態余也江湖落拓行學書學劍兩

無成可歎身爲折腰吏蒯緱緗帙空縱橫似爾才
同仙骨備未應猶在風塵際指佞終須請上方起
衰寧但窺中秘試問瑤牕執拂姬鏡中一見鬚眉
未

過馬當山

仲夏理扁舟日永江天豁篙師逆崩浪矯若鯨尾
跋瞥眼過小孤蒼然轉雲骨馬當勢逶迤垂岸成
偃月憶昔王子安命途舛不達獻頌干女皇未使
文譽發旅夢朝來此風帆夕飛越至今帝子閣千
載名嶂兀道詘鬼物憐才驚頑石活知音世所難

冥理幸無闕吾生亦萍飄敬向青峯謁

彭澤縣卽景

攬轡陶公邑村村布穀啼手稊農運熟肩笛牧歸
齊水脈激猶細山容曠亦低昔賢遺韻在野菊尚
成畦

東流郭外登菊江亭謁靖節先生祠

古郭秋偏早孤亭菊獨傳自慚爲俗吏相對是高
賢雲峻畱虛壁江清見野天肅衣瞻仰後炎晝亦
蕭然

南陵訪王五清進士山居

松走濤聲可徑通故人家在萬山中一尊偶向今
宵台雨霽中舊日同芋粉成羹抄飯白柏林落
實罨燈紅塵勞益覺幽栖好有約重來駐旅驄

重五前二日蕪湖觀競渡

羣龍當午出風湍水戲能開旅客顏時記楚些新
節物地逢晉夢舊湖山蓮塘短棹鴛鴦拍竹檻橫
簫玳瑁斑兩兩畫船歸去後獨畱江月向人閒

句曲道中

四圍山色遠蒼蒼句曲城東驛路荒疎柳夕陽牛
下括輕烟午岸麥登場酒車伊軋穿林杪松架參

差陰市旁眼看陌頭塵不斷幾番飛染客衣黃

初秋同沈竹西訪崑山徐果亭太史留飲培

林堂

竟攜銀筆賦閒居青瑣丹楓夢已疎珠讓兩枝迎
日後麟催一角出雲初課園功止栽高竹觴客談

惟訪異書懷刺更憐漂泊士時時倒屣下階除

時先

生請假在籍年五十五
初舉一子故有麟催句

題果亭先生耘圃四首用錢飲光韻

屏貴心何曠明農地自偏鱗鋪階蘚石粉墜沼荷
泉種藥泥朝撥鈔書燭夜燃總多塵外境不到鶴

聲邊

觸眼皆蒼雪招攜共入林新笏輕碧瀉舊帖硬黃

臨草縛啼鶯亂花醺夢蝶深有時親抱甕乘興一

披襟

未嫌青墊接常喜白雲遮遠色憑山借清光就月

賒水跳魚散子林蹴燕隨花坐對千年杏疑同獨

樹家

眺周羣塢合步緩曲廊通入席多寒士應門獨老

翁菜看肥夜雨蟲聽絡秋風待結娛賓果霜枝橘

實紅

奉賀憲府徐老師母湯夫人五旬初度四首
峯玉亭亭秀似幢高門棨戟對新江風和柳色扶
丹轂日永梅香點碧牕鶴算百齡纔過半鸞音八
座早成雙宮闈久已師柔順內則欣傳冠帝邦
亞相崇階近九天翟褕分染御爐烟黃封屢給脂
田藥紫禁遙頒粉確錢綵勝樣裁臺下柏銀缸輝
接院中蓮莫言未是仙人窟家在蓬山玉署邊
聞道西池翠節迴麻姑行脯畫筵開客書盛德銀
爲管家序新詞玉是臺述父未忘徐令業撫甥還
見魏舒才傳經更有生徒在爭向紗幘獻壽來

處盛常言儉莫忘不辭澣濯到蓉裳雪鷲語解長
生偈露菊花傳久視方壺範肅雖鍾釜郝門風娟
秀謝兼王舞衣何用斑斕綵日日庭過兩鳳凰

贈同年朱輝斗

十載曾蜚入雒名文豪不減舊縱橫依人獨久家
無定逢世猶疎宦未成紅藕莊開書屋矮白鷗波
繫酒船輕貴遊回首多零落莫歎儒冠誤此生

謹鼠

天令晝當陽未遑照陰類義輪偶韜輝跳躑出鼠
輩維彼昏夜間營營計得遂緣高意無危藏深態

亦僞擬將飲河腹所求飽殘膾豈謂窺簡冊忽與
文字懟漸嚙楮生族管城驚失位并竊在笥衣毀
裂極狼戾穿墉佐雀爭憑社矜狐媚毋言物么磨
勢盛吁可畏曠哉秦太倉竄跡入其內得地需一
朝李斯發深喟遺種自茲繁技生日狡獪嗟我幽
人盧簞瓢坐相對寧堪供誅求宰憲破夕寐命童
具爰書堂下行責罪不則呼狸奴尖頭用卽碎

玉鷄堂歌贈徐明府

陽平客舍月夏五火雲垂地色如赭馬躑難逢疏
勒泉燕飛又斷零陵雨南山殷雷繞湖濬驚濤曳

練馳颺輪滂沱接晷未卽止青疇滿目良苗新俄
聞歡聲達城陌爭言此是神君澤棠蔭曾傳昔名
公黍膏復見今郇伯人攜朋酒玉鷄堂躋獻萬壽
稱無疆願將甘澍畱桑野他日爲霖徧天下

白衣庵苦熱書示雲嶽上人

沈沈碧樹靜風聲袒跣禪房絕送迎荷受暑深容
亦倦蚤知秋近語尤清九霄威令行三伏萬戶炎
心息五更此地由來忘熱惱請乘蘿月話無生

贈餘庵叔

吾宗有叔知名久耆舊風流業尚存年老王維能

艷曲家貧曹霸是清門靜耽天趣親琴榻勞息人
緣廢酒尊市隱可憐三十載留中丘壑共誰論

初秋同餘庵叔訪恭玉上人于環青禪院

曳屐人同阮探碑寺紀蕭柔桑園隱戶深竹徑通
橋石怪供髥几泉香發瘦瓢暫來依佛日已覺世
塵遙

入門如有得秋好在環青水靜光浮閣林高翠拂
庭帶雲歸宿鳥背月過流螢更愛清宵影懸燈照
獨醒

重過長慶寺讀書處與古音上人話舊

萍浮鶴寄兩茫然一別旻公二十年耆宿半凋塵
外客香幢未改梵中天詩題荒徑畱疎竹偈說空
池識淨蓮重覓篝燈秋語處石堂猶染舊茶烟

村居

孤村居似在山中流水柴門惜轉蓬雙屐秋談逢
故舊一燈夜讀伴兒童只須文史能常足何必簞
瓢不屢空莫怪年來窮轉甚賦歸攜得是陳風

項城以憂歸
項屬陳州

臨野堂詩集卷八終

臨野堂詩集卷九

吳江鈕

琇玉樵著



續筑音

滁州喜晴

霽月初來客夢間
雨餘秋澗正潺潺
泉鳴樹杪波圍郭
石破雲根路入關
郡守醉留千載地
亭侯祠擁百重山
曉鐘獨報新晴罷
誰似松門老衲閑

過鳳陽

園陵蕭瑟暮烟生
漢主曾餘過沛情
誰問一杯銀海闕
將瞻七廟碧蕪平
顧成久廢祠官典
廣武空

傳衛守名尚有前朝孤月冷森森石馬夜常鳴

重九前一日重過項城喜晤王閻諸子卽取
道入都賦以誌別

長川孤棹夕陽迴好友重逢令節催黃菊無慙今
日對青山猶喜故人來夢懸鴻影詩千里愁釋菜
香酒一杯歡會不堪仍惜別驪歌欲發更徘徊

客遊

花木能逢勝地栽客遊暫得好懷開磁州荷芰湯
陰柳不負邯鄲夢裏來

邯鄲曉發

燈銷旅焰劍裝輕睡眠迷離遠郭行策馬看移疎
樹影叱牛聞答遠車聲霜催世路秋同冷月帶鄉
心曉獨明擾擾孰非求夢客未須前叩古廬生

可歎

千霄新碣首蟠螭千載名因片石爲可歎城荒多
隙地年來添得峴山碑

送戴康侯出牧商州

天中薄宦論知己古誼如公復幾人仕路俱因貧
拙滯交情偏到別離真黃埃拂騎子來雒紫氣迎
關爾向秦見說渭流清足飲曳絲仍願結同鄰

相逢行

贈張弘遠湯西崖
查聲山三孝廉

吳天有客稱羈旅手操不律遊燕市酤酒曾分司
業錢呈詩亦倒中郎屣半刺慵因典謁投一羶勉
爲傳經徒拓落風塵十載餘此心常抱千人恥夢
裏青山不肯生懷中白璧旋遭毀回首當時帖括
徒蕊珠衮衮登名氏但求通籍列鷓鴣何用開編
辨魚豕豈知天不秘英華忽落張星到吾里博識
遙能繼茂先研思直欲傾平子秀依楊柳迎曉風
麗壓芙蓉照秋水觀國來題石鼓曲一朝名冠鴻
都士西崖湯子起西陵出入羣將璧人比揮毫成

錦吐成珠蕊林爭購輝屏几蠟刻岐王夜席紅貂
畱卓女晨鑪紫俄聞簾外報金泥醉擁花枝猶不
起海昌查氏實多才聲山敏妙尤清綺臨池一字
直兼金倚案百函成片晷有時岸幘過旗亭衆皆
曰狂笑相指不道神霄碧灑衣桂宮忽漫逢知己
側聞楓陛正需賢遠布珊瑚絃彌海浹披文內殿願
同時今日三君無乃是卽看繡牘奏昭容已識綵
雲占太史嗟余謁帝竟無因一行作吏渾堪鄙却
怪同遊舊謫僊俱從噲伍爲隗始人間莫易歌鳴
鹿科名不愧應如此

臨野堂集 卷九
歲暮京邸述懷

陸海塵紅撲面飛春明如夢舊遊非狂難學道年
華晚拙易違時祿秩微五斗未辭貧吏粟一袍猶
戀故人衣悲來最是聞歌地雪後旗亭酒伴稀

咏鹿尾奉和徐立齋夫子韻

山客寧無善後思却從仙饌佐芳卮何如早入名
談席揮向秋塵未到時

一片紅肌玉削成帳宮行炙最先呈蕉陰夢斷身
餘幾會憶幽溪引隊行

苔字銀牌古篆青上林漫說鶴同齡漢貂盈座誰

當續空使伊尼著食經

青益羣肴鄭記多鄴中奇味孰能過射生堪笑開
元騎止愛當時熱洛河

送徐月山之任歸安兼簡兩沈太史馮長民
學博

梅點輕鈿柳曳絲放衙正及麗春時湖生碧浪浮
詩舫郭繞青峰照酒卮擘筆定逢腰瘦客談經應
到腹便師吾家只在雙溪外可許來遊看水嬉

送金孝芭之上元

昔日循聲聞赤縣茲行又向古王畿山川是處龍

臨野堂集 卷九
能繞門巷誰家燕不歸雨後訟庭看積翠花邊吟
閣倚斜暉登臨遙識雙鳧影常金高臺彩鳳飛
送余惕區之閬中

亂峰西挂蜀天斜行色春生碧憶車一鶴獨攜雲
外棧雙旌遙指月中槎奇勳不用求邛竹高咏還
能敵浣花他日東來瞻紫氣須知關尹在彭衙

除夕李蒼山招過華嚴寺寓同訂入秦之約
時蒼山將歸江寧座有歌者

蕭寺燈寒寄此身宦遊踪跡說燕秦一年未盡唯
今夕萬里將歸是故人尊惜共傾情爛熳曲嫌頻

顧態逡巡東風已到梅花驛好覓來朝隴上春
都門感舊七絕句

國子先生夙有何蕃之愛緇改三衣絳分半
帳幸茲孤迹視旅如歸泊紆墨重來而先生
墓已宿草矣侍讀公益惇世講繫我白駒猶
在雲亭左畔天街雪後征鴻有聲羣感鉢心
於斯爲最

鳳城風細落花天日日蘇公與酒錢寄庶人來貧
似昔每逢春近一潛然

粵有朱家託言張祿竭來廣柳儼居大槐日

費萬錢之餐室貯千金之笑特其傾意墨卿
別途劍客於其逝也爲執紼焉愛姬家本挾
瑟悽愴西還錦靴細馬不知所終

玉管金尊二十秋當筵曾見俠情畱舊簾歸燕今
何處祇剩斜陽入畫樓

才人孤憤寄之謔浪鑪頭遠山傳相如者猶
不之諱矧其寓情婉變乎畫溪絲筆雄宕悲
妍無若髯之絕倫也疽發髯端歿於廣平相
國之第惜無知者不以阿雲諸咏殉之

衰年珥筆賦長楊寶硯猶沾侍史香忽漫修文天

上去定將鶴馭召雲郎

庚戌之秋笠澤大震沈版浸扉萬頃畢白楓
根婦子半爲咸胥武塘先生奏蠲邑賦吳不
終沼惟公之功余來燕市首謁黃門遽蒙下
榻遂得卒業辟雍越十七載而錢垣長寓其
故宇卽向時剪燭論文之地信宿於斯有懷
曷極

楓江有客久蒙恩况復西園共酒尊重憶當時焚
艸夜忍看新月到黃門

充觀國賓者來自江左百有十人項子松心

餘稱莫逆惜是綺才湓先旅館其歸櫬而南
也忽降莘言道我殞之事織銖能悉指畫家
政斃若再生且云薄獲冥秩偕倅行矣所遺
銀鹿猶能哽述斯異

書劍同攜到璧池俄驚去訪赤城師玉霄果有憐
才地是處應皆說項斯

高三十五代有幾人維我遺山宛其似之直
概朱絲皎懷白雪彼哉澳阿爲侶者睨若浼
焉闔戰二七俱漏禮羅晚遊玉署其貧轉甚
遂磊落而終怪發齊諧奧探汝冢斯音莫嗣

重我寂寥之慨

聯吟泥飲竟無期獨對寒燈繞夢思歲歲可憐人
日到有誰題寄草堂詩

鴻生之選旣隆徇監之途遂狹天水清卿憫
余末至授辭烏臺旋登薦牘雖所請竟虛而
天下知已有此一人若夫倒屣花關攬袂竹
徑飫玉饌於綺筵聆珠歌於華屋自公東歸
此樂不可復再况乎已遊九原也

一從卿月墮青山鶚牘誰爲動帝顏兩髻欲絲能
不恨已無知已在人間

野堂詩集卷九終

臨野堂詩集卷十

吳江鈕 琇玉樵著



粟語

午餘紀夢示署中諸友

濁流靜自澄
芬絲斷乃理
邑政有餘閒
所惜淹良晷
展書高槐下
清蔭落窓几
風薰午倦生
時或脫巾履
恍疑入綠天
遊逐南柯蟻
徘徊五斗間
負重若戴忝
遲遲賦歸來
栩栩將何止
日夕殘睡醒
禽聲忽盈耳

彭衙雜咏

百里山爲邑衙齋枕碧虛秩卑容性拙地僻稱才
疎晝幕賓爭奕宵厨僕厭蔬居然成吏隱興至一
攤書

卧閣薰風入陰交衆綠新雙槐藏蟻國一柳寄鶯
身曠欲追仙伯竊嘗企古人誰爲崔少府聳尉在
東鄰

莫謂西陲陋文明實在茲泥融常侍檻苔繡史皇
碑狐跡依衰塚鴉聲集廢祠暮山青未了千載起
人思

路岐當四戰城小復孤懸晉絕東河道秦橫北嶺

天雲標金粟峻水貫鐵牛堅往代多遺鏃時時出
野田

羣嶂如屏列寒多物候違麥黃過夏至草綠及春
歸屋矮風偏厲坡高雨獨稀甘唯東井水能灌藥
苗肥

力竭兵興後年來日漸寧牛租輸廟市蔬課報園
丁歸籍餘三戶傳家昧一經可堪容虎猛能不慰
鴻冥

版屋仍遺俗高低綴遠岑窑村磁五色煤井縞千
尋馬習溝行險人安穴處深秋來看似錦柿葉滿

霜林

合姓居同堡分田占各畦民愚勤訟牒土儉亟耕
犁晚磬松岡遠春帘杏店低夕陽歸社飲羣老半
扶藜

少陵初避賊曾此一經過才大交宜寡途窮險益
多石烟留旅迹谷鳥見悲歌世豈無賢宰相逢客
若何

南河石齒齒觸處見流清悍蟹匡何碧勞魚尾尚
頰雪消谿草潤雨洗礪沙明爲政無他術應思此
邑名

春日漫興集杜 有序

清傳一邑白水攸稱高擁四山赤畿可望田遺
金鏃已迷秦壘之雲城接銀河尚見漢關之月
泊乎運躔仙李孽啟妖虬崔尉高齋厯存殿瓦
鴛灰之後杜陵野老偶來崖泉蛟坼之餘雖事
往斜陽俱成陳迹而才畱多雨永燦華牋以是
叢爾之區不乏歸然之句余也辭尊故土三閱
秋螢分組斯邦再逢春燕榻懸孺子絕少嘉賓
判付老翁仍多暇日幸卑貧之可樂兼詩史之
足觀字與星偕未減零瓊之積韻從鉢應還同

古錦之投屬對誠忙功乃勞於驅石成章屢報
技忽就于鏤冰聊假曩哲之言城用寄芳辰之
心匠東柯非遠適符秦州雜咏之篇南斗何依
竊附夔府孤城之興

春色是他鄉迢迢滯遠方竹高鳴翡翠沙暖睡鴛
鴦阮籍行多興何顛好不忘誰能更拘束白日到
羲皇

落日在簾鈎暄和散旅愁雲溪花淡淡春草鹿呦
呦塵滿萊蕪甌貂餘季子裘雙雙新燕子來往亦
風流

濃淡樹榮枯荒庭日欲晡長歌歎柳瘦隨意數花
鬚老太才難盡春生力更無自逢今日興亦足慰
榛蕪

單父長多暇幽偏得自怡差池分組冕質樸謝軒
墀政簡移風速家貧苦宦卑安排求傲吏此道未
磷緇

日臨公館靜心跡喜雙清花葉隨天意山光見鳥
情持衡畱藻鑑薄斂近休明不願論簪笏居官志
在行

白榜千家邑秦城近斗杓關雲常帶雨寒水不成

國朝堂集 卷十
潮隱吏逢梅福披襟得鄭僑不才名位晚無補聖
明朝

近接西南境溪邊四五家寒魚依密藻細麥落輕
花樓雨霑雲幔村烟帶浦沙惜哉形勝地不得問
丹砂

野興每難盡春池賞不稀汀烟輕冉冉竹露久微
微亂石通人過殘雲傍馬飛生平孰勝事未肯羨
輕肥

孤城山谷間幽事頗相關返照斜初徹高雲薄未
還且將暮度日相對酒闌顏唯有會心侶暫歡卜

夜閑

鶯入新年語思吳勝事繁美花多映竹小徑曲通
村漸喜交遊絕遙憐舍弟存故園不可見歲月在
衡門

何事忝簪裾垂名報國餘子雲清自守中散舊交
疎洗杓開新醞鈔書聽小胥沈思歡會處看取北
來魚

天濶樹浮秦重重祗報春壯年學書劍薄宦走風
塵社稷經綸地江山憔悴人馮唐雖晚達方覬薄
才伸

臨野堂集 卷一
佳氣日氤氳暄寒早早分凍泉依細石疊嶺宿霾
雲豈述廉蘭蹟還披鮑謝文飛來雙白鶴應共爾
爲羣

高城烟霧開披寫忽登臺茂樹行相引叢花笑不
來忘機對芳草隨意坐莓苔萬里蒼茫外誰憂客
髻催

老矣逢迎拙青袍也自公獨醒時所嫉絕境與誰
同弟妹悲歌裏形骸痛飲中此生任春草未敢息
微躬

池水觀爲政蕭然淨客心謬稱三賦在得近四知

金攬帶看朱紱收書動玉琴百年嗟已半未見有
知音

偷眼艷陽天菁華歲月遷卽今蓬髻改只想竹林
眠對酒都疑夢將詩莫浪傳故園花自發何日是
歸年

官序潘生拙恩承雨露低出塵皆野鶴微分是醯
鷄春草封歸恨桃陰想舊蹊會希全物色時訪武
陵溪

天畔登樓眼巖棲在百層騷人嗟不見世故莽相
仍碧海真難涉丹梯庶可凌吟詩坐迴首變化有

鯤鵬

甫昔妙年日躊躇此驛亭北辰徵事業南斗避文
星醉客露鸚鵡拋書示鶴鴿古人稱逝矣高卧想
儀形

秋祀蒼聖廟紀事

戊辰秋正中修祀謁蒼聖祠宇一何遙越在粟東
境侵曉出郭門羣山似相迎輕輿翼高雲險騎盤
危磴遠來潺湲聲隔嶺時入聽百折下臨谿奔流
勢方競扁舟徒旅盈屢渡乃得竟行復十里餘孤
村日已暝齋宿寄香林月皎心跡靜假寐俟質明

聿展禋薦敬墓棘未剪除文梁失茲覲賴有前宰
賢丹雘見遺政踵事需後人廟貌宜復正老柏呈
奇姿中含邃古性歷觀廡下碑閱世非一姓惜哉
蝕荒苔漫漶字垂罄茫茫億載間物改地自勝悵
望理歸鞭疎鐘滿烟徑

九日同署中諸友遊白龍潭

風雨多在秋那堪入重九睹茲霽色佳令節焉能
負把菊念名山插茱會良友聯騎過城西隨意覓
林藪忽逢泉石清勝地得未有斷壁何巉巖疑若
巨靈剖驚流出其間勢欲與之走千載猶遺聲日

夕蛟鯨吼綠崖置危樓空駐幽棲叟豈謂行跡稀
絕構見摧朽解鞍濯冠纓席石舉尊酒興至忘晷
移自辰已及酉未忍別雲巒餘情寄高柳

遊蒲城原氏園亭

朱門饒有滄洲趣三徑蕭然絕市塵絳葉墜林秋
滿地碧苔粘屐晚迎人雲生石態依亭古風弄禽
聲逼檻新就菊忽逢投轄飲遊車薄暮未容巾

冬杪懷古項閻子公融兼傷其伯兄繼協之

逝

甕水橋西玉一枝昔年曾與訂幽期蠟銷芸兒書

頻發蟻泛梅牕酒共持風暖正開鴻鷗路雲涼應
起鶴鶴悲懸知此日春生處夢草人孤點筆遲

己巳正月三日

華髮翛翛上客顛又逢春信到秦天離家遠夢三
千里入世浮名二十年學易未能窮象象難書漸
欲廢丹鉛疎慵如此猶縻祿久負蓴江舊釣船

喜金道洲札至即用前韻

一片雲飛太華顛故人芳訊墮遙天神臯已接邠
岐土聖德還同慶曆年燕市舊遊從擊筑粵裝新
草憶懷鉛春風桂楫西來日書畫應知滿客船

致書蒲城王秀才景明乞菊苗

南山入望參差碧菊種應如灞岸繁欲待嚴霜占
晚節須從清露植深根籬前瘦比依人鶴谷內寒
空伴客尊他日王弘能過訪請看佳色徧秋園

歲暮奉贈頻陽李內翰子德

烟霞姓字入瀛洲纔赴徵車便乞休萬戶曾非輕
絳灌九重應不屈巢由松風繞屋龍吟細蕉月盈
蹊鹿夢幽絕頂振衣何處是興來一到崑峯頭
少微光映紫微天塵外蟠根李是仙芝草自迺商
皓路桃花未改晉漁年韋弦業向千秋立碑版名

從四裔傳不是搗來除雪客閉門寧易起高眠

庚午元旦偶成用竹西原韻

曉衙初放爆聲傳首記春王入鳳編北戶漸融雷
瓦雪南橋將染曳絲烟異鄉梅柳堪娛客芳日琴
尊足判年坐說吳中多勝事題椒贈橘正紛然

予與沈竹西五兒童稚情親三十餘年酒盞
燈篝樂數晨夕無若古粟之聚首閱歲也春
仲將復理裝入都放筆寫意以志黯然

乍喜天涯寄跡同可憐河柳又春風白頭心事青
衫淚傾向秦關一歲中

東望燕雲淅淅寒忍教驪唱促征鞍春風郊外山
逾好誰與花時並馬看

折腰渾不耐逢迎有夢何時到玉京天上故人如
問訊只言政拙似陽城

鶴徑梅牕意氣深交孚鮑管愧分金曉風蕭颯吹
岐路將去冰壺一片心

畢西臨內兄伴余妻子至署併以詩見示率

賦奉答

倚劍風塵暢宿期遙來將妹北山陞宦卑曾乏妻
孥計才拙唯應故舊知書屋杏殘香漠漠訟庭槐

古色離離天涯幸遂鄉園樂促坐行觴白鳥遲

李太史子德喜予過訪秩筵展榻情語斐然
別後復惠詩五章逾春始得依韻奉答兼彙

拙集附呈

出處夤然世所稀堅辭珪組卧巖扉
紉荷誰識娛情遠拾橡寧嫌托跡微
蒼嶺雪催林鵲起紫霄雲傍塞鴻飛
自慚吏隱仍耽祿千仞還思覽德輝
村鴉歸處響疎鐘彷彿寒岡對卧龍
谷可逍遙韋敬遠人何淡蕩郭林宗
門前舊識唯高柳逕外新移得小松
總有世塵應不到圖書軒檻自重重

隱巽堂集 卷十
記得霜天玉漏長論文燈館夜微茫飲慳蕉葉杯
常滿坐逼梅花帳易涼風拚大聲知是夏曲傳清
響聽爲商此生一入蘭林後臭味真堪謝衆芳
三見苙生素月高頻飛書雁下蓬蒿乍來字比雙
金貴嘗對談傾四座豪崔尉谷窮增鼓吹陝郊篇
古繼風騷何時重枉彭衙作烟石參差入夢勞
家寄楓江三畝宮吟魂遊跡任西東鐘籠豈易成
高調鴝鵒終難會遠風雙屐十年青髻改一琴千
里素心同披囊亦有生平業拓落情懷在此中
寄閔若上人

雲外曾從夢石泉誤羈塵網又三年自看鶴瘦儕
齊已每聽猿啼憶皎然悟法可知詩亦妄觀心無
碍醉爲禪平安園竹今何似有信應教一雁傳

九月十四夜偶成

催葉砧寒入暮秋橫山烟靄靜中收泉聲到閣聞
逾遠月色穿林看更幽世盛尚孤張翰鱸官貧未
改晏嬰裘終思一舸爲漁去手挽銀河弄白鷗

答王爾固

渭水西風吹古粟木葉蕭蕭下殘綠臨風手發故
人緘中有新詩錦成束自言舊雨夢非遙轉覺別

來塵網酷君家遠住鄭湖畔湖月湖烟滿庭曲畝
秣年收二頃餘腹書日晒三冬足長嘯高吟可自
娛何用人間問蠻觸我甘卑貧意亦然還從知止
求祛辱杞菊爲餐鶴爲侶吏隱猶能追往躅有時
一騎遲君來嶽臨大路蓮垂玉引袖同攜嶺上雲
開顏且飲杯中滌

夕夢多怪詩以誌之

移宦自中天孤城寄斗邊浪遊將萬里微秩又三
年慘慘莪詩廢飄飄梗跡遷髻疎憑雪點心瘁擬
壘懸槐綠殘尊後楓青皎月前殷憂曾莫遣噩夢

每相牽屈曲踰灰洞晶熒踐玉田九衢埋市霧雙
岸菴溪烟渾沌初開鑿娜嬛漸遡沿樓臺俱屹若
冕絃各頎然藍面纔逢杞朱唇遽感甄蛻丸登寶
鼎蚓結化珠鈿折葦浮爲舫裁蕉數是錢偃師喚
向席鮑老笑當筵谷火焚何熾河冰合已堅支祈
波撼鎖列缺電搖鞭白服遊奚適烏衣語漫傳捫
天登復墜縮地判仍連屢訝松生腹都忘蟻駕肩
排山龍釜鬪跨海鶴孤騫審雨堂階峻行雲岫壑
偏飛蛇長過樹舞蝶大盈船鼠穴乘輿入蜂窠覓
路穿帆摧聞笛渡燭晃爨犀淵滴博蠻吹角參覃

鬼控弦戈矛森浩浩鉦鼓震闐闐探井通神闕開
巖出異編髑髏驚遠擲臙腑駭頻湔石踞看成虎
絲鳴聽作蟬攬衣蟲附體投幘鵲巢顛遁或從壺
叟行常挾劍仙渴方追日去冷忽御風還竟乏陳
搏樂徒尋汲黯眠幻逾觀角觝妖豈遇胡祇直與
窮難送還教恨易纏史巫占亦悞盧附治誰痊午
黍炊猶未晨鐘報最先定知緣盡妄回憶事多愆
尚有神堪問寧無象可捐何當求獨覺初地獲真
詮

無錫鄒可遠過署夜話有感

才藻凌雲氣貫虹半生踪跡竟飄蓬於今爲庶如
曹霸自古論交只孔融綵筆應知憎命達蒯緱相
與泣途窮請將薄宦天涯恨共寫寒山夜燭中

舟燈

畫舫裁盈尺空明紫焰垂光含蘭楫定影綴錦帆
欵薄訝裝雲母輕憐映雪兒笙歌如可載不待月
來時

車燈

似識塵遊苦高懸壁月輪翠多知掩幔紅小見藏
茵巧御風綏舉奇兵火隊陳莫愁春未曉照乘夜

珠新

臺燈

小隊駐春紅芳宵一夢通銀屏窺匝匝綵柱倚玲瓏障月歌人麗凌烟戰士雄不知添畫燭疑在水晶宮

毘陵劉子靜夫能文好讀書幕事多暇間出巧思手撚紙爲舟車亭臺之燈錦帆載權寶馬曳輪方不盈尺而梨園之歌舞備焉鏤冰刻棘莫喻其工昔東坡先生謂秦少游此人不可使閑遂兼百技矣靜夫真不可閑者哉旣成三咏并

書以貽之

秋夜樓中納涼卽事

古堞歸鴉帶野烟雨餘門掩綠槐天村依遠岫明秋火澗隱空林響夜泉詩思漸傾盤果薦藥題頻送閣鈴傳閒心一片知誰許涼月盈襟獨灑然

採煤曲

雲根斲盡龍山坼轆轤深縷垂千尺額燈蒲伏漆爲膚飢驅貧子齊肩入朝入還期夕數錢忽逢崩石生長捐千村土銼炊烟出中有民命如絲懸

搗紙曲

構紅麻白車闐咽玉聲細擣寒光徹春潭小水映
桃花片片疎簾捲晴雪蔡侯古檻今已蕪賦手空
握靈蛇珠鬻向洛陽曾莫問半從山市歸屠沽

搏器曲

薰風碧染雷祠柳西河巧運埏工手葦火初殘土
室開文瓷五色高於阜傾銀注玉舊朱門轉眼雲
銷未足論瓦盆常得隨田父獨酌寒漿杏雨村

賑饑事畢歸自康家衛

省斂秋方亟行行未覺遙民窮憐白著法弊笑青
苗剝棗畱村榼斲泉借寺瓢山蹊歸向晚駐馬聽

歌樵

賑民河北自和蘇村至南羌寨

出宿孤村曉行踰絕澗陰懸崖泉逗石倚壑屋藏
林逕險知馴馬叢幽見異禽欲紆中谷歎載粟入
山深

夏日香笑亭偶成

官閣東偏地孤亭繞衆芳雨葵翻葉碧風杏墜枝
黃墨愛浮箋潤衣驚御袂涼寸陰還自惜簾影晝
空長

霽色臨簷曉輕炎逗幕綃聞鳩憐宦拙見燕憶家

遙飄泊甥同魏聰良女似昭旅顏爲一破拈管共
朝朝

雪夜出郭至沙家河

背郭遙傳夕柝聲蕭蕭數騎入山行亂流百道冰
初合殘雪千峯月共明村釀寒從尋白墮野蔬貧
見供黃精此生大塊原勞我敢負風人偃息名

宿黃龍山

山勢繞黃龍巖關駐客踪疎烟生絕壑冷日下危
峯廊時徵前夢彭衙憶故封淒清聞古寺聲斷及
晨鐘

九日寓長安開元寺

萬家秋色滿長安古寺蕭蕭木葉殘山菊如仙逢
不易市塵爲厄避應難濁尊漫憶陶潛酒短髮徒
羞杜甫冠薄宦十年佳節負把茱寧忍客中看

秋日香笑亭偶成和玉舟弟韻二首

小亭秋向晚幽思動相關曳壁苔衣潤窺簷雀語
闕詩懷多集夜吏隱正宜山坐聽東鄰寺疎鐘帶
月還

雙扉依古杏事少鎮常關韻愛吟蛩苦機忘墜葉
闕香清茶煮月峯小硯攜山何似蓴溪好秋風一

棹還

馬給諫惠墨

四和來梧掖雙丸出豹囊光分雲穴潤質帶玉堂
香草檄時何用摩崖志或償淋漓看醉髮自覺老
逾狂

臨野堂詩集卷十終

臨野堂詩集卷十一

吳江鈕

琇玉樵著



南縣客筆

九日風雨原子宿伯李子俊一不速而來畱
飲醉歌

佳節偏令發興奇况逢勝侶慰幽思泥深小巷來
雙屐酒濁高歌進一卮籬角菊開能迓客城頭雲
壓自催詩莫吟今日潘懷縣正是安仁宦拙時

金頭菊

貞菊雖如傲芳心自不孤艷辰偏隱翳涼昊始榮

數理稟中黃好名裁小碧殊陶潛松逕側孫楚竹
牆隅爛熳欣聯萼歲蕤訝合跗風微交倚玉露重
各含珠競發香何晚頻看態更腴見應羞白髮吟
莫負青鏤二仲來鄰金雙丁憶友于東籬時引酌
隻影正愁吾

題琳瑯園贈原宿伯

幽花疎竹小園開早見清新賦體來聰向雅絃求
律呂博因彝器辨雲雷驚人健筆寧嫌放委俗剛
腸未肯回祗待閉門乘月客談深時一發桑醅
酬原宿伯卽用來韻

老學微光得幾何未能安味似文蛾摩抄技止雕
蟲小點檢功猶掃葉多每愛幽期尋北郭却慙旅
跡滯西河自來詩律耽應細尊酒重論望屢過

喜邵陽康孟謀枉過寓園兼示詩集賦贈

傾葢三秋後開顏一見初折梅橋外騎倒薤篋中
書貌偉論交遠名高入俗疎未嫌投檄吏來此問
離居

了凡上人駐錫北寺年逾九旬皈依之家成
推耆宿余於杪秋步訪凡公指其所植金蒂
瓜相示時當事方購岐穗佳禾金仙之前亦

供一本同遊原子宿伯染翰紀瑞李子俊一
隨索和章因成二絕句

共命鳥原棲梵樹交枝蓮自發禪燈東陵去後遺
仙種付與祇園白髮僧

獻頌昔傳芝萬本繪圖今報穀雙岐檢田我亦曾
爲吏太息來題古寺詩

臘梅

經年花事入冬殘偏愛幽香發曉寒凍葉謝霜無
刺碧芳蕤迎日獨含丹金釵十二畱檀暈玉甲三
千報蠟丸持比此花誰得似坐臨南牖幾回看

立春後一日訪李蒼山於中部畱署信宿兼

觀社鼓之嬉有贈

去官猶作彭衙客念友還尋翟道行改歲田豐民
獻貉放衙事簡吏鳴箏沙平沮水春烟澹柏老橋
陵夜月清須信心閑知政美繡旗畫鼓徧山城

元夕中部署中夜讌

未欲孤佳節連宵綺席陳簾衣聲隱伎座燭影搖
春老識年華貴狂看意氣真此生歡會幾回首憶
京塵

觀木偶戲口占

繡服雕冠傅粉脂箇中機變竟誰知終朝氣魄隨
人轉畧勝鄜州土稚兒

十六日宿雷原村店

玉斝銀燈雜管絃昨宵勝事已茫然月明不獨憐
羅綺又向荒村照客眠

上元後六日招同羅司訓小飲以詩見辭依

韻酬之

消搖忘物役拓落喜棲幽掃逕期三益抽簪得一
休年增人感慨座滿客風流未解傳柑飲聊尋卜
繭遊澹烟林乳鵲微雨屋鳴鳩逸興冠宜脫良辰

轄欲投纖情伸糗糝珍味遜螭蟬詎謂書筒至偏
因講席畱深懷芸閣鄭難起蝶園周梅信寧堪負
鶯聲或可求雪消途宛轉風暢晝夷猶尊酒何時
共論文好借籌

春日同雲間黃衷哉遊古慈恩寺感賦

斜陽十里出南城古寺猶存雁塔名杏老已忘時
代謝柳新如向客逢迎碑題將相朱書沒榜記隋
唐碧殿傾遙想曲江當日地春風繡幃正縱橫

薦福寺

似驚遊客到禪家老樹當門噪晚鴉靈塔乍分雷

隱地神鐘自出雨沈沙庭畱夢石三生幻閣倚空
雲四望賒欲問宮娃祈福事碧蕪香冷玉鈎斜

開元寺雪夜偶成示普聞上人

招提閱旅跡伴雪寄秦城酒債逢春重詩思入夜
清邏軍笳萬堞吟市燭三更誰得如禪寂蒲團足
此生

喜黃衷哉過談時寓開元寺僧舍

同里殊方客相逢祇樹林斂衲看世態傾耳聽鄉
音僧樸春遊簡僮閒晝睡深忘言黃叔度不惜久
談心

漫河鮮鯽歌

關中八水春瀾瀾土人不識魴與鯉杜陵野老晝
障歌漁踏孤舟亦虛語奉先城西古漫河不與八
水相通波潺湲石竇泉仰出彌望一碧叢菰蒲我
適來遊至其地桃花霞明柳雲膩網得澄潭撥刺
聲修鱗忽帶蒼烟墜攜歸笊箸付饗人霜刀縷切
色勝銀秃尾槎頭豈足數晶盤犀筋誠堪珍昔聞
鶴溪有神鯽幻化雲踪迎謝客嗟爾風濤竟永違
宛轉泥沙亦可惜碧腦滿素髻肥此味仍憐知者
稀渭濱一去垂綸叟終古雲寒舊釣磯

西京覽古

鈞天夢饗記當時逐鹿屠龍世屢移圖籍已收新
府庫衣冠誰識舊威儀鷄聲曉散咸陽市蛾影宵
沈太液池剩有南山酤酒處年年春到杏花枝
畫戟雕甍曠代餘風流劍珮列仙居椒房勲業題
銅柱藜閣文章照石渠溲粟幾人曾曳組泥金何
日不飛書素衣化盡長安道高躅誰能繼二疏

過富平簡蔣雨亭

粉堞斜侵碧樹明雙橋影落彩虹生山形倚郭無
妨小水勢吞沙未肯平隴麥漸稠藏乳雉林花初

發出啼鶯請看廟食楊忠介獨有風遺百世清

長安旅舍夜聽琵琶贈鄒九臨

鄒生吹律能通玄忌也彈絲名亦傳才多藝高關
內客於今復見清門賢玉塵會勝青桐叟金管疑
逢紫鳳仙妍歌粲論無不可妙指尤工撥四絃長
安梵宮漏初下龍首斜出銀燈前乍憐小牕語喁
喁旋驚幽澗流濺濺琤琮箭鳴響忽急滴瀝珠散
聲仍圓恍然一夢入紫塞飛花浮雲悲遠天嗟余
家本在吳會七載寄此如匏懸日厭西缶耳欲塞
到處雷動何喧闐楓香曲奏神已移與君邂逅寧

非緣青衫飄零泣夜月黑河黯淡吟秋烟相攜且
作思歸引舊庄未必輸藍田世間知音復有幾容
易莫上岐王筵

贈張彩書

褒融無恙世應難形寓天涯覺易安杯裏乾坤雙
劍老琴中山水一樓寬遇非顛沛寧稱俠交必風
流始信端幾載愁心曾欲寄今來明月幸同看

初夏飲張彩書小樓返寓詩以誌興

古寺車馬集精舍爲污壤假席方丈地豈足資偃
仰策杖訪幽棲入門慰遐想童稚多歡顏鳥雀寡

雜響攜我坐小樓琴書見清敞南山翠可挹天霽
色逾朗庭樹生繁陰映日蕩簾幌須臾果酒至佳
論愜心賞杯盡引枕眠短夢寄愴恍似茲真率態
應訝世無兩雲牖疏風煩襟薦新爽抗懷在義
軒宇宙失今曩迹疎情已深地偏意自廣安得移
作鄰日夕恣來往

寄居蒲城米氏園林卽事八首

分宅南宮裔移家北郭居泉疏雙井淡樹隱一亭
虛身寄同林鵲官貧剩釜魚所攜無長物檢籍但
盈車

入世才何拙，依人氣自恬。卧高山到枕，坐久月臨
簷。賦待閑情錄，詩憑險韻拈。似茲稱爽塏，暫得老
夫潛。

琴鶴行無定，飄然滯一隅。雲麾搜古碣，桑落貯新
醑。負笈人停騎，移尊客借厨。平原晴可望，好去問
玄都。

秋好辭簪日，暄和又及春。放衙蜂性樂，覓壘燕情
真。地勝鄰同谷，名高讓散人。興來隨點筆，未覺負
良辰。

最惜花時候，偏教旅跡違。雨催欄藥減，風散井桃

稀。小憩陳清簟，狂歌託短衣。綠陰看漸滿，寧不憶
芳菲。

柳門常晝掩，聞叩小僮應。病狎青囊叟，愁蠲白拂
僧。牕明蠅觸紙，壁暗鼠窺燈。未敢言忘世，羈棲亦
我能。

近市仍離俗，殊鄉也適情。江山收畫篋，人世閱碁
枰。隱欲從梅福，遊還待向平。思吳新有夢，彷彿到
柴荆。

侍御風流在，幽棲見象賢。簣篋思合塢，葭莢望盈
川。玉粒除苾熟，銀絲作鱸鮮。溯遊曾不遠，回首夕

陽天

僧舍對雨

竟忘春已曙雨色滿禪關南雁來應阻西雲去不
還散絲過柳外濯錦到花間坐看匡床叟開軒對
奕闕

由藍田入山至商州

蒼然三百里不厭日山行怪石兼雲湧幽泉隔樹
鳴嶺迴疑徑斷村遠辨烟生最惜藍橋勝踟躕過
客情

題孫真人太玄洞

山川不改世潛移巖穴長春見古祠未忍宮門看
喋血却來洞府學餐芝寒雲鶴語千松逕舊水龍
藏兩藥池何似魏公初逝後已無華屋庇孫枝

再題米氏園林四首

浮踪看歲變更復際秋陽繁實桐垂逕疎枝菊隱
牆土音稱擊缶人事習炊梁悵望南來信遙天雁
幾行

家隔三千里心懸十二時已成元亮咏竟負季鷹
思別憶江楓冷歸憐海燕遲因茲幽興熟屢誤俶
裝期

自數猖狂跡會無里舍謀衰顏紅葉借勝事白雲
求紙筆兒能好池塘弟獨畱故鄉如在眼天畔一
登樓

綺疏容緩步碧蘚各成蹊孤石形偏瘦叢花影自
低書籤迎月檢茗鼎帶烟攜尚想斯遊遂重來覓
舊題

臨野堂詩集卷十一終

臨野堂詩集卷十一

吳江鉅 琇玉樵著



柳下言

謁堯廟

肅肅瞻遺廟巍巍識大君德畱千載儉心授兩朝
文莫落階前土松生棟裏雲今猶耕鑿世擊壤竟
誰聞

真定道中同張借亭賦得八韻

藉卉遙從晉聯鑣共指燕井陘憑險越督亢想圖
懸冰白蕪原外天青雁陣邊雲開寒樹直風起暮

沙圓戰壘連枯塚，耕畦入暗泉。裝因詩卷重，程爲酒期愆。縱論高荆俠，長懷李郭仙。帝鄉知不遠，頻舉夕陽鞭。

天根上人所住，蘭若再燬於火。今且三建矣。乙亥之春，經營伊始，適遇其五十初度，喜而有作，并以爲壽。

欲從人境識真詮，卓錫偏來鳳闕前。寶地兩逢杯喫火，香臺三見鉢生蓮。每開白社邀元亮，更寫黃金事閻仙。我亦假年方學易，可能分榻看茶烟。

敝裘和查孝廉夏仲

長安雪後塞鴻過，金盡難言絨與絁。六國未平貧至此，十年不改儉如何。吟隨瘦馬侵霜重，卧覆寒衾得夢多。欲向酒壺謀薄醉，春來開篋幾摩挲。獨攬蒙戎賦式微，早知身世已相違。未悲杜老衣同結，豈羨羊公帶可圍。山日半肩樵擔出，江雲兩袖釣船歸。直教冬夏常爲伴，翻訝良遊與共稀。

次韻答金道洲

載箏攜筑上長安，一笑相迎罄夙歡。狂豈無心曾咄咄，瘦仍有骨尚珊珊。侍臣易獲侏儒粟，逐客難求檢校官。問我此來竟何事，閤眠僧舍日三竿。

意氣當時亦兩雄大都消滅自秦中一言未似醜
明合三黜將無柳惠同問歲互憐吟髻短向人暫
喜醉顏豐行藏不用詢詹尹歸去辭能發我蒙

余與竹西玉舟俱同里束髮交也文酒之歡
無間晨夕嗣以遊跡殊方遂疎晤對乙亥初
春得於都門聚首因用東坡先生吾儕相對
復三人爲起句各賦一章

吾儕相對復三人羈旅京華正及春曾詣旗亭題
姓字還憑箏酒歷風塵歡娛每爲當年惜潦倒偏
於異地親何日村扉成晚計筆床茶竈共湖濱

同玉舟弟遊玉泉庵贈巨川上人

巨公心域淨結構亦殊羣入徑唯逢竹登樓自得
雲磬疎清梵發琴靜妙香聞尺五城南近人天境
已分

慎獄傳司寇能求般若心林纔飛到錫地已布成
金清試雲門茗奇聯石鼎吟正宜支共許風月兩
相尋

春雲應 安親王令

養花天氣半陰晴綵散長空止復行夢裏浮將飛
絮遠歌前飄與落梅輕素雖如練誰堪贈奇欲爲

峰尚未成莫是淮王仙術在風吹芳月暈常生

豆腐和姜孝廉西溟

種豆山南歲晚登盤餐乍喜一肴增炊同芳杏春
凝酪劃共寒螿夜雜冰四海可知隨地得百年祇
合待儒稱最憐野岸孤舟泊茅店初開見曉燈
未易人間賦老饕還憑仙術省錢刀薄筵置鼎和
幽菽小市攜籃配濁醪久貯味應凌玉版初成色
豈遜銀膏太常日日齋需此遮莫長安價已高

哭大司寇徐健庵夫子

天與高名冠古今人倫物望兩傾心文章司馬雄

而健器識歐陽大且深庇士萬間開廣廈講書一
字擲兼金紫垣忽報台星坼從此光燄翰墨林
五色雲生帝座前芙蓉鏡啟玉堂仙英華絕代天
標柱經緯由心地湧泉棒敕戶藤紅日近珠栽庭
樹碧霞連豈期一結香山社竟乏還丹駐大年
繡袞東歸茜水濱棠摧鴿散總傷神西園尚有銜
卮客南陌誰爲執紼人祇剩琴書陳總帳莫將羔
雁問蒲輪可堪身入重泉去丹詔猶來起舊臣
憶昔遊從駟馬門半生陶冶荷殊恩饌分曲席牛
心貴詞接匡床麈尾繁每以疎狂容杜牧偏於卑

困恤虞翻孤寒八百齊揮淚淚到羈人最愴魂

送金叔固之任單父

余性實疎放計不及青紫偶亦藉世資牽絲兩從
仕憶昔在關中制邑僅黑子獲上如饗天謁尊必
因鬼同官競營營甘之有餘美唯余謂不然悃悞
以自矢出岫憑雲行入坎待水止與君適邂逅相
見各色喜問年協塤箎接地恭桑梓尊前玉璽僧
燈下銀箏妓輸此羈旅懷高談輒移晷別來歲再
周隙駒一何駛贈策方秦原班荆又燕市余固安
鷄棲君乃欣鵲起單父古名邦聖居亦云邇風流

樹嘉政所期視前履戴星憫農勞秉燭發吏詭友
事更多人鼓琴已足理雙綏出芳郊繁花明於綺
回首眺蓮峰舊遊宛可紀睽合忽渝時榮瘁豈易
軌願言崇令聞長河報書鯉

送顧闇若赴長興二尹之任顧工繪事

芙蓉粉染玉綃寒十載前從古寺看境愛岷池生
卷軸人疑褒鄂見衣冠盛名已足追三絕微秩何
妨寄六安綵筆舊緣消未得風流猶作畫溪官
薰風迎舫碧湖澄此去懸知不負丞茶可著經香
金芷練宜題字潤逾藤鄉心易達波中鯉廳事常

沾壁上蠅好待散人歸甫里看雲蒼嶺約同登
雨後訪玉舟弟於西曲書舍遂同遊故司馬

介公園

鳳城西去路柳外見幽居屋讓栽花地林藏載酒
車鳥馴常伺食僮慧亦知書不惜衝泥騎來尋杏
雨初

更思窮野興結伴到鄰園藤老蒲萄卧碑高巖巖
蹲春還憐院靜人往憶官尊爛熳花千樹偏能向

客繁

五月五日金叔固招飲寓齋時有禾城諸子

同集

七來青綺逢重午此日身如已在吳珍席肴登多
鶴市綵毫客至半鴛湖離家喜見歸梁燕閱歲難
忘泛酒蒲只有東華門外路辟塵無處覓丹符

夏日同陳健夫吳赤霞預訂黃山之遊分韻
得支字

將探三十六峰奇天外佳遊訂酒卮猿鶴於人如
有待烟霞是處足相思金輿丹鼎曾畱地布襪青
鞋欲往時須記今朝同此約薰風燕子見題詩

題陳健夫榆村小隱圖

日車欲翻野馬走炎光熊熊炙牕柳脚不能襪頭
不冠絺衣偏袒露兩肘有客來過陳健夫下馬示
我榆村圖忽訝林巒生几席旋疑冰雪侵肌膚健
夫自言身將隱小園地縮蓬壺近梧暝宜尋東郭
綦豆荒且學南山憚攜家遂入此圖中高吟日夕
聲摩空千首詩成百斛酒翠濤出沒珊瑚紅展圖
悔我歸未早緇塵赤日長安道笠澤東邊亦有村
風飄榆筴盈柴門

夏日過陳健夫西峰草堂題

幽棲雖近郭小築自離塵屋矮藏書富囊空念友

貧冰槃鮮簇果風銚嫩炊芹竟日淹畱坐徐傾碧

釀新

草堂何所事野客每相逢硯質評枯潤茶香試淡
濃納涼因獨樹挹爽得遙峰無計求鄰並唯應屢
過從

夏夜雨後與陳健夫吳赤霞小飲友人寓齋
命家僮鶯郎度曲各賦七絕四首

白紵新涼雨後生隔簾纖細按歌聲乍疑春樹聞
嬌囀不負鶯兒是小名

龜年老去五侯家遺響猶傳到井花纖月正懸楊

柳外可無人與按紅牙
燕市重來覓酒徒不堪往事憶名都青琴歌曲青
衫淚併作燈前大小珠
一字遲聲進一卮輕炎消盡玉參差座中佳客風
流甚明日應教唱麗詞

題畫絕句八首

淺莎濃樹水灣環家在烟雲杳靄間野艇常如心
不繫一生贏得是真閑
畧約行通石路斜綠陰深處有人家懸流千尺明
於練分作清溪泛落花

水榭風亭樹色浮綺霞天外見飛樓長湖倚棹漁
歸晚幾點青山入釣舟

古木千章入夏清重新碧繞簷楹會心已到忘
言處坐聽山頭瀑布聲
霜冷前溪歇釣輪石梁風落水粼粼獨攜筇杖穿
雲去紅葉村中有故人

結構禪棲冠碧峰龍鱗歲老數株松綠毫仄徑誰
能到下界唯聞日暮鐘

參差礪石小成磯高樹迎涼衆葉稀鎮日茆堂人
獨坐晚天應候鶴來歸

小閣寒深翠幙垂亂雲黯淡雁飛遲靜中忽訝疎
林響正是山牕折竹時

月真禪師

叅盡三千貝葉文紺眉皓髮已繽紛拈花獨對庭
前石曳杖頻穿嶺上雲詩律細從禪律見世年清
與鶴年分塵生滄海須臾事笑看閒牕射隙曛

春日湖村雜咏十六首

有序

垂柳門閒鶯欲啼而識樹繞梅逕冷鶴將夢而
依花矧於人也能無情乎僕本畸人久爲狂客
甫釋陳冠之素始見二毛旣攬秦絃之朱旋辭

五斗於是險違僻谷恬返浮家願從老圃之師
擬作小園之賦對婦則方欣舉案呼兒則盡解
攤書歷壑經丘顏何慙於松菊列筵結軌情不
間於弟昆且也車馬無喧僻茲小築烟霞如繡
暢以芳辰因微悟於野泉適然點筆遂分吟於
谷鳥漫爾盈牋蓋拙則有餘宦誠難巧而言之
不足歌乃彌长假懷縣之閒居抒石湖之雜興
倘其月能共照或有聽於袁船否亦雲可自怡
當復還之柳篋

十年遊萬里歸及故園春槐老將爲國松長已似

人琴尊吳市畔鮭菜越谿濱宛矣先賢在誰言里
未仁

板橋通枉渚葦屋帶疎汀蠶忌看門彩農占說瓦
靈字浮蝌蚪黑錢散蘚苔青羸得東臯子新成耒
耜經

獨樹家臨野真堪置老夫石供仇穴怪谷記柳州
愚量水栽菱母封泥接鼠姑社前新釀熟好鳥喚
提壺

楊柳門雙扇蒹葭水一方蜺肥開獷殼蔗冷落甘
霜林旭搖衣桁湖烟灑笛床此身安便好何況是

吾鄉

清晝憐初永幽期亦屢逢吟蜂含律意鬪蟻列軍
容入寺嘗新茗行田見遠峰韶華驚晚晚未敢任
疎慵

順令輸租急迎暄御袂輕俗勤多緯婦土狹少塵
氓絮暖風無力蟾涼月有情續兒文選讀差勝與
金羸

霽巷烟爭出芳菲一徑斜團光牆倚竹倒影岸垂
花按法修秧馬分功課紡車時時朋好過水檻繫
浮槎

與來徐步屨隨意向川原
莎軟羝行健芹香燕語
繁桔槔人岸岸笈簪事
村村夾路桃相引何須更
覓源

攜柑南陌去斲筍北垞歸
逕或迷蒼耳賓唯到白
衣藏名全癖性守道遠危
機歎息仙舟侶年來已
漸稀

自訝支離叟猶存拓落官
香畱雕鳳篆藥待嘯鶯
丸俗物關心少長天放眼
寬卑貧寧足計柳下亦
能安

無端羣動理幻化自東君
飄忽蕭零露更番岫出

雲書驢詞漫浪訟鹿夢紛
紜坐閱人間世閔臆易
夕曛

行當知命歲正與拙相宜
點筆松陵集張帆笠澤
祠酒巾從滲漉醬甕每提
攜別具經綸業薰風理
釣絲

稍定萍蓬跡仍多水竹綠
漁眠篷背雨牧唱隴頭
烟幽土風須繪齊民術好
傳菜畦生薺早知己兆
豐年

萬點紅飛盡青林遠色浮
巾車宜下澤弓地得中
丘勇豈忘蛙式廉曾與鶴
謀雖無民社責擬築稻

孫樓

何必非人境幽偏有舊廬短垣鄰叟話長席塾童
書椽落柔桑後苗分稚菊初從茲師汜勝直欲問
華胥

憶昔清狂日於今意半消道存三徑拙心入五湖
遙燈火樓祠祝壺觴禊飲招仰天憑耳熱擊缶發
長謠

丙子重五留飲吳興韓子遠書齋是時子遠
有詩兼之選四令子俱在坐因成二律卽贈
駿馬豐貂事惘然小韓夫子憶當年風流楊柳存

耆舊文采珊瑚寄簡編遺澤尚傳藜火閣遠遊曾
泛錦江船只今絲髻垂垂白屈首蠅書九萬牋
高館炎消白紵輕蕭閒果合住菰城牙籤雲集千
秋業玉樹風臨四座英浮盞酒分榴火艷拂簾香
落燕衣清重來應識幽棲處只此宮能繼水晶

丙子初秋莊谿吳子聖玉歸自遼左一別三
十五年相見之頃悲喜交懷

丁年少小失庭闈青海飄零事事非萬里忽傳天
外詔一身如向夢中歸殊音不入羈人操故國猶
存義士薇悽絕武林杯土在爲君西望淚沾衣

表弟錢宛朱過訪以長篇見贈卽次原韻和
答并述近懷

日月西奔駭獨颿秋聲颯沓到楓杉計年欲製過
肩杖屨跡初裁缺髀衫豈擬衰顏能久駐尚餘傲
骨未全芟悲邀汾水才人詠憤待漁陽處士摻薄
宦當時雲偶出微名何地石堪劖梁園雪憶瓊臺
迴華井蓮看翠壁嵌荏苒十年忘政拙漸濡兩邑
用民誠致君寧藉蕭何律答客頻酬杜甫函風採
白顛音是缶歌翻烏角曲爲鹽黜將焉往應捐珮
逝亦從茲遂挂帆處處德慚馴雉誦時時心懼點

蠅讒負暄早却青油幕劓藥多憑白柄鑿原與烟
霞稱故舊敢思冕紱被塵凡遇人莫訝腸如轂陟
世真宐口若緘蓬徑幸來裘與仲竹林喜見籍將
咸清疑乍聽湘靈鼓狂肯猶教衛史監藻采續紛
迎絳節丰神縹緲望蒼巖文當知己論逾細學未
成家語盡誦蝕字願隨芸室蠹漉巾仍署釀王銜
無須更覓紅妝妓笑倩花枝帶醉攙

題錢泊庵桃源故址

錦衣玉節昔英雄柳閣烟消杏院空何似王孫遺
圃在漁人猶認一蹊紅

悼孫

千里還家髩有絲
庭蘭差幸茁孫枝
豈知小閣含飴地
忽見幽燈瘞玉時
入夢尚期來謝客
返生誰爲起
崔兒犀錢繡襪頻
經眼難禁西風老
淚垂

秋日過玉峰遊覽遂園有感

蘭堂桂館曲池流
坐對秋山感昔遊
繡尾翻波魚藻密
清吭警露鶴苔幽
高門復見新冠冕
遺老唯存舊侶儔
莫怪羊曇重惆悵
南州今日是西州

盧牟上人精舍看菊

丹楓墜冷照衰顏
秋在蟲音鶴夢間
湖上晚峰遙

入座未輸元亮見南山

半榻茶香齋後磬
一簾苔影定中燈
籬英祗合歸禪室
爲有霜容澹似僧

徐內翰虹亭招飲松風書屋次日賦贈

久交德在恆大隱
心自逸似茲良獨難
要亦本學術太史
天上麟早握螭頭筆
揮灑玉署雲翔揚
花磚日終乏逢世巧
遂乃謝華秩余亦迂
疎人柳下旋見黜歸
田訪耆英結會赴真
率一別驚十載相視
意轉密佳茗小閣陳
豐膳中厨出細鱗
烹江鱸香霧剝山橘
跌宕杯酒間豪氣何
洋溢松聲生暮

臨野堂集 卷十二
寒觴政始獲畢搖艇向北郭頽然返蓬室衰顏帶
餘醺清燈耿殘帙乍起麴蘖謀益成烟霞疾呼兒
了家事速釀今年秫

除夕前一日徐太史再招飲松風書屋與同
集諸公分賦

華堂詩興動芳梅歲宴猶教綺席開門靜似忘春
欲到僮閒偏喜客頻來枯碁一局催新壘良醞三
升發舊醅英絕座中推季重揮毫能接鳳池才

贈竹庄生

昔年卜築江之濱手植琅玕翠盈圃雷聲一夕起

龍孫短牆乍見新林補天教落實昇清貧春深佳
事尤堪數繡皮雅稱製爲冠玉版偏宜炊作脯茗
綠櫻紅燕語多故人疑至風敲戶那知芳草誤遊
踪幾回輕踏長安土倚倚千畝擁蒼烟看徧閒門
誰是主塵埃忽遇竹庄生竹庄獨行亦踽踽彷彿
篔簹前畫師絲毫空學鸞鳳舞何如結侶賦歸來
荒徑重開舊茅宇置酒林間待步兵攜詩溪上尋
巢父更請君爲寒碧圖疎簾長挂瀟湘雨

臨野堂詩集卷十二終

臨野堂詩集卷十三

吳江鈕 琇玉樵著



荔夢編

南安道中

郵籤已報南安近路入山溪却更遐灘響乍高泉
觸石峯形頻轉岸圍沙雲中一徑通耕犢樹裏雙
扉出酒家晚愛蓬牕涼月白不須重向洞庭賒

題清江禪院和壁間韻

弭楫尋幽過竹院晚來雨色重淒迷江臨斷岸雙
流險閣倚危闌萬象低衰歲不堪追野馬微名猶

自問醯鷄茶烟禪榻匆匆別惆悵征篷又向西

余長子昭字威輦幼同食貧長從遊宦好學

勤家惟日不足已躋明經之列忽凋強仕之

年奄然病瘵與婦偕亾其臨歿也呼彼三雛

付之兩弟自言天限難留老親無以爲念遂

爾永逝嗚呼能無痛乎因成哭昭十絕

頭白雙親棄我時半生已抱蓼莪悲那知此日身

垂老灑淚猶題哭子詩

塵甌常封夕照餘當年生計竟何如可憐索飯門

東候汝尚含悽課晚書

千里長安五日回服勞能令客愁開只今日斷天

涯路誰復衝塵疋馬來

清臚隆準玉爲顏杳入重泉竟不還願頰哆嚙誰

氏子偏多壽者在人間

風雨蕭蕭上客舟暫離憐汝淚盈眸歸來忽爾成

長別止隔楓江歲一周

長爲家督十經年祀事常看禮秩然不道一杯羹

未冷汝今亦到夜臺前

弟兄早歲露文鋒攻苦書牕燭影重一自芝亾聞

蕙歎常疑夜語尚喁喁

青丘佳句錄成編小字如蠅絕可憐疎雨亂山孤
閣裏一回披讀一悽然

雛孫總角兩依依忍愛違慈竟永歸痛絕彌留猶
坐起囑將細弱付親闈

是處立庭腸宛轉幾回伏枕涕潺湲傷心萬事無
過此莫訝愁多庾子山

張彩舒至署以四律留別卽用原韻酬之

風塵况味老能諳半百年過仕已三心抱冰寒寧
待熱境茹荼苦漸成甘訟庭苔滿榕陰覆卧閣花
疎雀語參喜見故人天外至尚餘詩興酒同酣

南山朝爽入晴樓芳草薰風記舊遊每遇琴尊留
野寺亦從車馬到林丘寒江楓落人千里高嶽蓮
開雁九秋今日乍逢仍異地可知難釋是離憂
交道千秋賴轉旋一生心事託哀絃猗蘭白雪幽
人操駿馬黃金俠士緣身免仍留稽散藝家亾始
信孔融賢請君常識焦桐意莫更狂呼擊缶天
故人踪跡寄浮家汗漫來遊道里賒楚國秋風吟
蟋蟀吳天春水遡蒹葭割雲已貯端州石剗竹將
謀粵海槎惜別不堪當歲晚夜牕應見發梅花

題顧漢醇小像

臨野堂集 卷十三
我鄉耆德舊曾聞今到炎州始識君六驥隙看簾
外日雙桃枝引杖頭雲養生自著殊方論祛倦還
成晚歲文開卷試將形問影松風謾謾水泆泆

羊城禪寺得讀梁太史藥亭十九秋詩有贈
并寄陳元孝

炎海涼生夕院燈新吟傳自石堂僧尊江幾欲歸
張翰蘿月偏宜賦杜陵人事入秋增感慨客懷垂
老失飛騰調高從古推南國不獨陽春和未能

和陳元孝十放詩

放雲

偶與閒心會開囊散曉巒英英垂峽淡淦淦度江
寒飄練成三素圍輪起七蟠天涯諸弟隔終日倚
欄看

放驢

奇畜來從衛風塵任所如險辭雲棧後清憶雪橋
初已逐巾箱化還將鈿轡除尚聞聲歐歐鳴向故
人居

放鶴

養得青田種心隨萬里雲軒墀非所慕壺嶠豈無
羣遙影橫江見高吭應谷聞梅花開繞屋曾與共

臨野堂集 卷十三
清芬

放鷹

夙有飛揚志凌霜始下韝
依人惟玉帳伏物在金
眸豈合籠中置終當塞
外遊鸞臬宜早辨莫負
此清秋

放牛

梓樹文初就桃林事已
稀星轅晨飯出風鐸晚
車歸山水聞長笛英雄
見短衣何如隨細草野
外卧斜暉

放螢

明滅涼秋夜輝輝熠燿
光風微飄扇底雨冷墜
簾傍若箇微盈斛誰能
拾滿囊千秋亡國恨幾
點照頽牆

放蝶

娟娟鳳凰子生態本如
仙忽逐衣香散遙疑樹
絲懸燈前高士枕花下
美人鈿歸去羅浮好薰
風小洞天

放猿

野賓宜在野慰爾入林
思性懶疎談劍年衰厭
報時舊環畱碧玉新縷
落紅絲他日巴西夢應
惟澗

壑知

放鴨

鬪闌曾設處舊是散人家只與鶯頻數無須柵更
加交眠依曲渚追戲起圓沙尚有江湖伴孤飛趁
落霞

放魚

頰尾勞猶恤寧教涸轍窮桃花三月水蘋葉五湖
風樂寄垂綸外恩行斷罟中迢遙鄉國路憑藉尺
書通

潘太史稼堂來遊羊城屢以書約過署久之

不至因讀去年見贈之詩次韻寄意

平生愛竹素稽古廣聽視漆園受微祿尼山安委
吏心有一命恭資無九品例不惜居卑貧寧解冀
榮貴後來梅葛徒俱得聖賢意矧余蘆中人逢時
本拙滯干主徒敝裘謁客每漫刺中歲始得官坎
壟非一事遊梁復入秦終以樗散置徘徊嵩華間
行軒夾蒼翠山色滿歸裝所獲良獨異懸章破在
腰逡巡閱三仕今茲來粵東仍宰彈丸地林花氣
馥郁谷鳥音飄厲公餘卧閣閱陳編未忍棄伏讀
政五美首及因民利振疲由法砭援溺須道濟非

臨異室集 卷一三
止戒在得遂足云充位我友玉署仙遐思出塵翳
久作龍門遊遠尋彭澤醉何時共秋尊高談豁炎
癘續賦歸去辭從決小隱計烹鱸擷蓴絲優游以
忘世三復知止言旨哉有深味

題潘稼堂楚粵遊草

舊是金閨老歲星鴻篇秀帙滿南溟風霜入字龍
門史山水成圖酈氏經曉榻清鐘僧纒白夜帆疎
雨客燈青羅浮載得春盈斛未許人間問獨醒

題畫瞽者

出門咫尺卽間關危似臨淵險陟山藜杖一枝常

在手不愁無路到人寰

夏日稼堂從閩中以詩見寄并索和言再疊
前韻奉答

山閣面羣峯日夕寄高視政簡物自閒聊足安隱
吏蒔卉開舊畦課吟立新例心求止水清目屏浮
雲貴望遠恒獨勞渺渺懷鄉意半載斷郵筒音書
苦畱滯欣逢故人來屢獲奉簡刺寄有楚粵編論
人兼紀事江山字裏生衮鉞行間置雄如掣海鯨
妍若戲茗翠更示球狂語裁僞而攻異憶余捧檄
初君已登華仕倡奏龍池篇抗論藜閣地今雖身

退閒意氣猶踔厲顧念東髮交白首不遐棄詞寓
琢王嚴情踰斷金利自別五羊城珠江各分濟悵
望挂席行流連班荆位千里羨鴻鸞一枝歎蟬翳
常思泛石頭相逐錦袍醉三江就菰蘆五嶺辭瘴
癘所貴知幾明寧待再決計忽傳青鳥音遙墜人
間世且復噉離支用誌炎方味

贈鄭子源

蒼葦風流遠莫追尙於名裔見生知書搜與錄金
兼石筆繞靈文鳳與芝旅跡逶迤逢薄俗壯懷瀟
灑送清時粵遊自詡行裝富採得丹符在竹枝

恭玉弟過訪粵署以詩見貽依韻和答并寄

雲奏弟

瓢鉢蕭然得得來溪山佳處一登臺門求六祖炎
塵息路出雙江瘴霧開人到正逢籬畔菊書回仍
托嶺頭梅天涯幾點離羣雁無限相思未易裁

寄顧爾立

回首楓江憶舊棲此生踪迹總鴻泥官畱異地飄
蓬遠學過中年落日低卑服久宜荷芰製畏途頻
感鷓鴣啼扁舟好約成歸計千尺虹橋手共携

次尙棉邨韻

萍跡無端滯一方世緣物態兩茫茫老逢殘歲驚
新歲久任殊鄉憶故鄉榕樹葉當春漸減潮雞聲
與夜俱長若非東閣來吟客空負官梅嶺外香

甲申穀日同姚竹友錢宛朱遊西樵山馬文
濤昆季畱飲信宿卽席賦贈

千尺危峯帶夕陽碧雲深處隱華堂名山有約來
雙屐賢主相逢得五常慧鳥窺人如解語好花迎
歲已生香自知小戶雖慳飲興發當筵罄一觴

題尙棉邨行樂圖

五色雕章付雪兒暫從泉石展幽期手中桃竹爲

龍去霖雨蒼生自有時

食德祠

螭首蟠雲處處碑仰看若個起人思千秋片石堪
垂淚食德祠中一女師

根青閣

依山老樹碧成帷鳥語盈簷睡起時徧倚曲闌頻
得句雨聲月色總相宜

看雲軒

天半浮雲境本空坐看舒卷態何窮南山一帶橫
如案常得青青在眼中

男 鶴升霄客校

臨野堂詩集卷十三終

詩餘自序

詩餘

沉香亭畔臨紅藥而揮毫沽酒樓前待翠華而釋
褐三章兩字色動楓宸遇之榮矣舞衫歌扇証玄
悟於西河繡轂雕鞍傾妍思於東玉花逢解語人
悅傾城情何麗也若夫濁世荒唐衰年荏苒坐牀
索酒未聞天子能呼畫紙圍碁唯與孺人相對曲
雖名雪和是巴辭歌總成珠聽非吳客而猶欲遣
茲銀管追彼金荃不已過乎然而曾有迴腸每如
轂轉手無駢拇豈令椎懸溯碧浪於扁舟不乏推
篷之會炊黃梁於逆旅偏多跨衛之緣易水蕭蕭

別高荆而不返繁臺杳杳詢李杜而奚從狂來或
看劍長吟悲至亦擊尊永歎至廼倦息五湖閱尋
三徑玲瓏皎月夢魂常繞梨花淡蕩薰風時序偶
題梅子種成紅豆乍引遙思倚到綠楊還憐瘦影
以是寫心之暇兼抒賦物之情僕本恨人頻遊宦
海萬里仍攜螭帙一官尚繫匏星居通丁卯之橋
原依梅市鄰結癸辛之里竊慕草窓撥柳鏤花聊
復存茲小令搓酥滴粉誰爲傳以遲聲譬猶石室
毀雲已忘舒卷香叢課蜜自識香甜旗亭莫可挪
揄篋衍不堪貽贈室無解詩之白媪何由見此平

生世有顧曲之周郎當以俟諸異日吳江玉樵甫
鈕琇題於補榕書屋



臨野堂詩餘

總目

滿庭芳

二闕

踏莎行

二闕

御街行

沁園春

二闕

一萼紅

夢橫塘

青玉案

四闕

天香

水龍吟

摸漁子

二闕

齊天樂

桂枝香

慶清朝

瓊花慢

渡江雲

畫中天



畫錦堂 三闋

東風第一枝 二闋

喜遷鶯 二闋

瑣窓寒

大酺

驀山溪

瑤花

漁家傲 二闋

霜花腴

柳梢青 二闋

於中好

玉樓春

疎影 二闋

百字令 二闋

滿江紅

瀟瀟雨

步蟾宮

解佩令

綺羅香 二闋

月華清

清平樂 二闋

五綵結同心

風入松

大有

如此江山 二闋

尾犯

好事近

南歌子

秋霽

鵲橋仙

千秋歲

惜秋華

拜月星慢

臨江仙

聲聲慢 二闋

燕山亭

永遇樂 二闋

菩薩蠻

翠樓吟

瑞鷓鴣

青門引

風流子

蝶戀花

壺中天

賀新涼

臨野堂詩餘卷上



吳江鈕 秀玉樵著

常熟黃 儀子鴻閱

滿庭芳

楊花

香惹啼鶯。夢牽舞燕。芳林點點楊花。亭臺覆綠。漫
 飛破年華。試看因風吹去。輕狂也。徧遶天涯。妝樓
 晚。繡簾初捲。剛落那人家。最是多情處。西園人
 散。頻拂衣紗。况絮縈酒屋。雪染漁艖。遙想謝娘庭
 院。墨池上。雨長萍芽。空回首。章臺舊樹。愁殺暮栖
 鴉。

踏莎行

燕

翦翦東風。蕭蕭社雨。一生何事長羈旅。畫梁繡幕，屬他人。寄人廡下。終當去。柳絮池塘。梨花院宇。春光半爲營巢誤。舊時王謝，已無家。重來不見營巢處。

又

百花庵送春

芳草萋萋盈堤遍野。天涯不繫王孫馬。柳垂無奈。別離何。花飛還似飄零者。鳩婦成家。燕兒知社。萍踪堪寄惟蘭若。三分春送酒杯中。十年恨集寒燈下。

御街行

鴛湖元夜

樓臺如夢。夜如年。涼露瀉銀蟾。春宵未許千金換。況有涼月初圓。幾通畫鼓。數聲響爆。攪破五更寒。酒亭花市語聲喧。風裊絳紗烟。笙歌簇處。星球滿。都在曲院勾欄。綠窓半掩。紅妝爭倚。多少玉人看。

沁園春

題圭庵贈黃敘九

麻木東偏。荻塘南去。巋然此廬。見上銳下方。六窓軒。殿中溫外潔。四壁蕭虛。貝葉晨參。牙籤夜校。歲月消磨數卷書。任荒草。生閨庭。欲徧未暇。刪除。

斯人玉德純如。又況學南宮。三復歎。每卧起。頽山。
枕藏秘寶。坐臨皎樹。席吐明珠。紅藥欄邊。綠蘿徑。
裏來往時盈。長者車。羨多半。是花侯。酒伯。雲。珮。烟。
裾。

一萼紅

燈花

伴寒閨。正清輝的爍。丹蘂發盈枝。鳳翅分烟。蘭心。
吐穗。徐看刻玉痕。移拚孤坐。三更漏斷。有人在紅。
閣。夜敲碁。隔雨簾。疎護風屏小。金粟垂垂。惹起。
舊愁無限。想羅襦背解。喜報芳蕤。癡卜佳期。誤占。
遠信。辜負多少。相思。憐碎影依稀。似語。那堪向珠。

淚欲銷時。好把香煤剪取。待畫雙眉。

夢橫塘

蝶塚

雲塘粘粉。月檻棲香。花間曾記幽遇。金縷飄零。誰。
喚起。春來。嬌舞相逐。釵頭乍。迷裙底。風流何處。嘆。
紅牙按譜。遺拍猶存。蘼蕪冷。惟杯土。素紈閑撲。
牆陰。早織魂一片。驚斷遊女。化玉初成。空剩得舊。
叢如許。好收瘞。滕王畫卷。謝子詩囊。並千古。栩栩。
燈前。翩然入夢。有西園芳路。

青玉案

贈趙孝廉震玉

燕中詩學誰堪擬。

河南趙子

更風骨亭亭峙。

彥昭

琴院

家傳袍服紫。清獻懸麟登閣。翁孫怒蛟騰水。嘉州刺史

此日雄飛矣。子柔獨擎桂斧蟾宮裏。門下侍郎望塵後

餘諸子。文楚文膽包身無戰壘。子龍得師韓愈。天水

先得交羊陟。元叔玉尺聲名起。延吉

天香 龍涎香

杵月千年。槎雲萬里。驪宮唾成珠老。瑞腦同分神
爨已化。製就博山爐巧。春來甚處看玉手。鏤花織
瓜。長日鎖窓暗逗。微風畫簾清裊。何事浣薇刻

棗。酒醒時。夜聞偏好。重撥寒灰。銀葉漸生。紅小沾
袖。餘馨在否。但如絮。柔情向空繞。暝坐氤氳。寒侵

獨早

水龍吟 白蓮

蟾宮素女三千。誰教舞向瑤池裏。卷綃霧薄。弄珠
烟細。原名花蘂。蓼襯微紅。葭圍斷碧。亭亭出水。想
西陵畫舸。輕移雙槳。難覓却鷗眠處。聞道生來
玉井乍相逢。銀塘十里。最憐傾蓋。不須污粉。清寒
如許。廬嶽禪心。樊川賦筆。幾回延佇。怪月明。但有
香來。終夜闌干。重倚。

摸魚子 蕓

過桃花。水痕初漲。吳天遙寫晴鏡。生如釵股浮青

出。鳧。葉。羃。波。常。淨。烟。路。迴。更。苻。帶。荷。錢。接。疊。還。相。
映。香。寒。色。瑩。喜。犀。筋。凝。脂。磁。甌。泛。玉。鹽。豉。點。偏。勝。
紅。塵。事。莫。教。秋。來。未。醒。當。時。鱸。美。誰。僉。歸。心。一。
夕。愁。波。起。貯。得。幾。絲。清。冷。應。猛。省。是。到。處。西。風。堪。
動。扁。舟。興。鷗。飛。鷺。瞑。想。千。里。茫。茫。高。人。獨。去。翠。剪。
半。江。影。

齊天樂

蟬

微薰天氣濃於酒。萬綠陰陰催晚。槐日閑庭。柳眉
深巷。幾樹夕陽。聲滿炎情不染。正潔飲常清。高吟
日遠。贏得佳人。薄勻雙鬢。鏡中慙。秋殘猶集古。

寺乍聞涼雨後。不勝淒斷。弔月蛩悲。啼烟螢急。曾
是。小。窓。幽。伴。孤。眠。客。倦。記。珥。重。朝。冠。綃。輕。宮。扇。舊。
夢。難。尋。暮。雲。迷。翠。館。

桂枝香

蟹

蘆花颭雪。正遠岸夕陽。秋老時節。初見遠汀出水。
暗莎衝穴。西風吹醒興亡恨。稻雲黃。年年吳越。沫
拋珠碎。臍圍壁小。橫行相接。記舊賦老饕曾說。
喜小字金錢。沈醉香骨。况有橙心黃破。菱腰青折。
而今空憶江南好。問何時重整歸檝。織簾霜後。篝
燈星下。一尊魚筏。

滿庭芳

河豚

荻努平川。桃烘修岸。晴江小隊來時。午橋微觸。遠
 柱故行遲。吞盡流紅。舊恨翻珠。浪一腹。蟠其清明
 到。幾番風信。魚市報初肥。塵吹花院淨。銀鑰細
 煮。火候應知。看蟻尊滿泛。犀筋爭持。拚得浮生輕
 擲。何須問。攬膾蒿菘。難忘也。脂凝酥潤。聞說網西
 施。

慶清朝

贈陳內翰其年

瘦擁詩肩。狂添酒胆。絕倫誰得如髯。畫溪歲月。寄
 情多在香奩。宛轉麗詞。爭唱錦靴。暗點雪兒尖。何

須如庾郎哀艷。僅賦江南。一鶴飛書入隴。看幾
 年珠淚。消盡青衫。雲烟落紙。驚聞遙啟宮簾。應有
 賜袍初繡。夢中花管。色相兼。休吟道。舊山悔別。微
 祿羞沾。

瓊花慢

贈朱內翰竹垞

花撥垂鞭。蒯緱攜劍。是舊時遊跡。齊宮燕市。記淋
 漓醉墨。尚畱紅壁。逢迎若箇。笑袞袞。少年裘屐。但
 賦成。換取黃金。付酒旗歌席。偶然。天子呼來。便
 芍藥欄前。起弄吟筆。玉堂月俸。堪貫酒。鈔給烏翎
 三百。宦塵如海。曾不點山人衣白。好夢在一枕。松

風仍繞故園。泉石。

渡江雲

贈姜徵君西漢

文章驚海內。蕭蕭兩鬢。猶自壓儒冠。寄身孤劍外。
鏘冷芙蓉。何處向人彈。愁詩病酒消。幾度片月長。
安偏占却狂名如許。曾得達金鑿。相看虞翻骨。
杳枚乘年華。應此飄零也。且莫歎白沈。楚璧紅刈。
秦蘭鑑湖。一曲無多地。甚官家。賜與猶慳。歸去好。
怕他鷗鷺盟寒。

畫中天

巴雲扶五十初度

梅痕刻玉。見一枝庾嶺。春傳消息。二十四橋明月。

夜鶴背。馱來仙客。盞橘分紅。杯霞流紫。清奏盈瑤。
席管聲吹暖。微陽初轉。鄒律。聞伯玉行年。衛稱。
君子。恰逢斯日。家在菊潭人。百歲何似。今纔半百。
宛轉歌珠。蹁躑舞鳳。彩鬪江雲。色最憐瓊樹。早移。
向庭前森立。

沁園春

送鄭文谿還里

氣已悲秋。心更傷離。如君此還。嘆長卿賦賤。彩毫。
欲擲。子昂琴碎。畫軫誰彈。碁奕京華。梁炊羈旅。何。
似山間與水間。歸途好。知醉扶漿店。吟據詩鞍。
况從蓮幕盤桓。儘贏得風光盈路看。正落鴻依浦。

蘆粘雲白。鳴蟲連岸。楓染霜丹。萬里遊思。八年鄉
夢。直到衡門纔自寬。征衫解。想剪燈芳夜。細語長
安。

畫錦堂

慕公子寓齋

碧甃飛鴛。銅觚駐爵。重門靜掩清晝。浪影搖花。是
處風簾垂繡。紗幙綠將筠黛借。雕闌紅與榴衣鬪。
秋生後。蟬雨送涼。疎林夕陽微逗。書圍髹几上。
有蓉粉藏箋。薇香凝籀。沈醉文仙不在舞羣歌袖。
占角戲爭燈下奕。射闇密發尊前覆。新詞就。笑看
濡毫寶硯。小童擎候。

又

秋水沉鈎。春花禿管。生平孰是知己。虛左相迎。獨
有關西公子。拓落不嫌窮似阮。披猖偏愛狂如李。
紅塵裏。走馬舊臺。重來醉歌燕市。誰比纔弱冠。
便柳染衣青。荷垂囊紫。儒雅風流骨相。總非純綺。
百斛龍文衝斗。見一株玉樹臨風倚。朱門啟。羨爾
攜香滿袖。退朝花底。

東風第一枝

觀韓中翰孟一庭前海棠

風剪裁脂。露珠綴碧。重簾艷影初逗。乍聞閨苑飛
僊。喚作畫堂名友。翩然舞醉。好似酌紫霞天酒。問

輕盈若箇能扶付。與一雙紅袖。冷曲逕。溶梨月。瘦迷古渡。暈桃烟繡。笑他龕俗漫山。得入黃州夢。否。蒼鬢素靨。算只有芳梅堪偶。待明年春滿朱門。報我禁烟時候。

又

韓中翰招賞海棠夜分席罷仍用去年前調

桃雨飛初。柳烟散後。芳辰隔歲重省。仙枝記約同看。依稀畫欄曾凭。雙來靈鵲。又銜到清明花信。壓簷牙。春色偏濃。染就粉痕脂影。籠銀燭。西園掩映。點彩筆。東君管領。一尊綺閣初開。四筵玉山相並。深宵茗芋。便此際笙歌須靜。怕紅妝睡足多時。

莫把梁州吹醒。

喜遷鶯

東別駕珂里宦歸維揚丹青自怡賦此爲壽

綠陰朱閣。正徑蘇鋪錢。門槐成幄。茶碾書籤。經營隨意。駐歲不須丹藥。早晚巾車何處。半在鶯郊花郭。放醉眼看郢兒爭笑。接離斜着。功名追憶後。一夢十年。早向揚州覺。瓊樹春雲玉簫夜。月贏得。攜歸雙鶴。選勝領閑。便點筆把風詩補作。更贈客。有鶯溪冰絹。寫來林壑。

瑣窓寒

夏日喜雨

絮壓陰濃。珠翻點細。乍消煩暑。斜風小燕。溼了歸

來芹觴。怕瑤琴潤着絃絲。旋燒銀字。添沈水。聽碧
梧簷外。紅蕉欄畔。靜敲牕紙。爲問山城裏。有幾
行柳色。碧沈烟市。紛紛篔簹。畫出橋頭漁子。待來
朝。看取平原一犁耕破芳塍。綺更扶疎。菜甲初肥。
摘到園丁喜。

大酺

本意

自咒桃前吟椒後。燈事闌珊。華屋釵頭。搖綵勝。正
青陽堪踏。鬧蛾相觸。草亂衫痕。花迷屐點。處處鳴
金吹竹。溪邊軟莎地。愛晴風似酒。釀春初熟。有紅
照妝新。碧浮香遠。湔裙人獨。江東爭袷服。記毘

陵震澤驚游目。看幾度隄眠。嬌柳簷笑。癯梅忽流
光轉。同車轂彩散。飛樓速。唯此際。夜珠盈牖。留千
古。昆池曲中和將近。好製青囊盛。穀豐年共聽。瓦
卜。

驀山溪

風雪夜行

冷光無際。晚失行人路。茅屋隱平田。望遙村。但留
疎樹。饑鳥似墨。幾點散驚風。荒渚外。小橋橫。孤廟
僧扃戶。吟髭生凍。燃短難成句。馬首獨衝寒。正
深入亂雲低處。枯聲颭。彷彿是河干。依斷岸。有
漁舟。紅閃。逢燈露。

瑤花

河冰

長河載雪。一夕西風。把紋波吹結。酒簾漁網。家家岸零亂。橫釵垂玦。棲鴻難定。但幾處汀蘆黃折。想神妃步襪無塵。閑住水晶宮闕。小窓靜鎖梅魂。看瓶凍琉璃。誰並芳潔。故園何在。奈此際正阻夜溪歸。懨清寒相照。筭只有天涯孤月。問當時一片心期。人在洛陽能說。

漁家傲

題大梁旅舍

一點秋來鴻背羽。柳外輕雷碾出絲絲雨。草色到城朱閣吐。天欲暮。行人衣染行塵古。屈指遊梁

今已五。醜酒鑪頭酒伴誰高杜。如笠小軒容獨步。青滿戶。數竿修竹牆隅補。

又

準提閣看荷

秋色幾回高閣裏。依舊池塘換種花人矣。拂拂清風來檻底。香不已。綠雲深處紅鴛語。疎柳成行依斷渚。一鏡分明寫出秋如此。為政心閒誰共許。知也未。尊前饒有花君子。

霜花腴

九日舟中用吳夢窗泛石湖韻

危檣獨倚。正柳風蕭蕭。欲墮人冠。雲擁魚莊。水吞鳧岸。黃花放也應難。旅懷自寬。豈良辰常到尊前。

國野堂集 卷一
渺平沙。甚處登高夕。陽千頃。散秋寒。何事重尋
荒渡。但幾聲斷雁。換却林蟬。絲展霞明。鱗搖波濶。
爭來借作吟牋。共誰暮船。載半環蟾影娟娟。料明
年未定。遊踪把芳萸細看。

柳梢青

中秋飲何二尹齋

何處刪愁。歸兮屢賦。尚阻扁舟。去歲觴蒲。今年簪
桂。都在陳州。故人未負中秋。出斗酒。非因婦謀。
問月。天涯關山一點。幾見當頭。

又

宛丘登蘇氏園樓眺望

紅墜蓮秋。孤城一片。晴抱芳洲。蘇老文章。鄭家賓

客。往事雲浮。小山新結飛樓。沙渚外。堪橫遠眸。
泛不嫌風。眠能戀月。只有閒鷗。

於中好

題庭前石筍

瘦生雲骨。秋牆內。碧繡出苔錢。紋碎。怪他孤影誰
當配。看月冷。修筠背。久叅玉版禪。三昧空分得。
峯頭餘黛。鬱林歸去。應同載。語便此君相對。

玉樓春

束公子新構如圃索贈

半環岸貯秋泉秀。新結筠牆相影瘦。紅雲垂地。一
簾花碧。浪擁門雙扇。柳。閱看帖石階前後。點染
玉蜍常在手。莫嫌城曲少青山。大小米山家內有。

公子與其尊人
別駕公俱善畫

青玉案

呂家潭夜泊

年年作客歸期誤。長買箇扁舟住。秋挂布帆風色
暮。林燈近。遠渚星上下。月黑戎戎市。無端最是
隄邊樹。旅夢於中暗。來去夢到江鄉。驚忽寤。鷄聲
伊啞。魚聲撥刺。渾似江鄉路。

疎影

秋柳

青疎隴首。乍淒風幾陣。吹到涼驟。無力勝綿。有恨
垂絲。困倚夕陽衰。埃曾經栗里門前路。正相近菊
開時候。豈長條似昔依依。尚忍向人分手。猶憶

隋隄繫舸。伴蘆花月影。搖曳江口。怕聽啼鳥。懶試
遊。驄但有酒帘。依舊畫樓十二。渾如夢映。是處翠
簾紅牖。空歎伊。金縷飄零。剩得舞腰俱瘦。

摸魚子

鷺鷥

草青時。水田漠漠。雨餘疊挂荒浦。潛行不道人先
見。羣引碧蹻微步。驚且去。看忽上。遙天猶帶圓沙
起。烟開月渚。窺墜粉蓮中。牽絲荇底。多少羨魚處。
西風緊。白點蘋花。天暮。幾回肩冷。秋縷五更懶
做。鷓行夢。結得閉鷗新侶。臨野渡。愛小艇孤橫。拳
立如延佇。惠連曾賦。算不是當年。池塘雪色。難奪

羽衣素。

百字令

過周郎遺址

殘山剩水。有周遭古壁。紅顏秋晚。僧老未忘金粉。
地占作。祇林亭館。千騎霓旌。八公丹竈。往事桐曾
剪。鐘聲花午。似傳宮漏餘點。聞道壤竊黃巾。濁
河驚走。城不畱三版。雉堞已非當日舊。何況尋常
巢燕。賓硯珠沈。姬符錦碎。誰識王孫苑。蕭蕭池柳。
弄風疎影零亂。

滿江紅

旅庭紅蓼

秋老孤庭。還又把秋光畱綴。苔階下。莖搖鶴膝。細

紅成穗。點點好風扶不定。紛紛纖月。看如墜。最憐
伊霜冷。欲飛時。容偏媚。宜曉鏡。湘鬟對。宜晚渚。
睢毫續。是誰移種。此落英籬背。蘆葉三更鴻影斷。
蘋花兩岸蛩音碎。想疎枝斜拂釣船頭。漁翁醉。

瀟瀟雨

落葉

秋晚羣山出。見涼飈捲樹帶愁吹。漸埋黃。壓碧亂
痕都散。碎影相隨。回首濃陰池閣。惟倚醉霜枝。似
我飄零客。一樣淒其。誰道宮溝易鎖。把芳心流
去。上有題詩。想催情綴。色舊景繡。牕時而今冷。蛩
聲外。但孤燈。村遠逗疎籬。蕭蕭夜掃圍茶竈。佇吐

烟絲。

步蟾宮

大梁客夜

疎燈漸隱梧桐閣。早門外聲傳霜鐸。明河一片墮
遙天。挂練影嚴城西角。風絲拂髻紛紛落。透旅
服寒威猶薄。此時秋思到誰家。料已有羅幃人覺。

解珮令

自敘留別項邑諸友

十年書笈九重賦。篋嘆半生踪跡都如寄。同學翩
翩看次第。鳴騶乘駟。獨歸來折腰為吏。且馴階
鶴。且烹厨杞。忽高堂駒光難繫。去矣孤城。又何用
囊錢碑字。有盈襟蓼莪雙淚。

卷上終

臨野堂詩餘卷下

吳江鈕 琇玉樵著

常熟黃 儀子鴻閱

綺羅香

佛手柑

白鶴雙林。青雲二頃。幾共橘晨橙暮。彈指霜清。大
小黃垂秋樹。纔石丈欄外。拈花又玉女。牕前擎露
看園官。摘向津梁。湘筠結碧籠相護。長齋人到
繡閣。安設烏皮小几。色如金布。未許持聽鶯語。酒
徒休。誤輕擘處。潤比酥清。久攜時柔輸萸素。最好
是雙玉傳來。帕羅暗香聚。

月華清

蟋蟀

苔繡泥封。藤鈎石罅。是伊俟秋吟處。靜耳聽來。多在綠階青渡。桐一葉。會寄唐風。燈四壁。初成歐賦。如訴。但牀下相親。清宵難曙。見說閨堂。紅粉小隊。金盆鬪旗。頻樹。弔月當年。尚有莎間纖羽。驚忽到。倚杆深閨。悲不了。卧麟荒墓。盈路任愁人多少。淚霑遙戍。

清平樂

題莫亞夫小像

素交風月。不用黃金結。宦海歸來鷗夢濶。今已詩髯如雪。舊情曾寄蘭亭。侍書人有樵青。偶拂蓉箋新粉。硯池纖手香凝。

箋新粉。硯池纖手香凝。

百字令

寶應重午

馬湖蕭寺。見疎窓幾點。榴花紅發。綵線不知羈旅恨。繫定浮踪天末。風弄蒲香。露銷葵錦。晝永人愁絕。問愁何許。隔簾雛燕能說。猶記夢日亭邊。羣龍水戲。看舞江鱗。檝一瞬。年光忽催我。又作陽平孤客。符綰吳釵。筒沈楚黍。鄉景都無別。盈尊碧醕。有情來照華髮。

疎影

初夏閨倦

林花無賴。將紛紛瘦影。飄送簾外。朱了櫻唇黃了。

梅心誰家尚有春在。柔風當午。催人懶縮不起。縷金衣帶。晝慵騰新夢。來尋忘却綠鬟雲。壞一鏡。遙山未鎖。任萱留霽色。奪取看黛卸。甲冰絃。斂子文楸。凡事都非心耐。幾回獨往。悶庭宇。悵此日碧天如海。聽雕梁學語呢喃。知是燕雛兒大。

綺羅香

螢

墜地仍流。飄苔忽定。生小暗明相半。巧弄輝輝。漆繞碧梧欄畔。攜錦字。映出疎囊。趁玉砌。撲來輕扇。更臨波菰蔣成叢。烟村破屋。夜深見。當年應有遺恨。化荒原腐草。古今頻換。畱得餘光。長是雨沈。

風散秋欲老。駝陌悲涼。客未歸。鹿場零亂。問幾點珠斛。曾量冷飛舊隋苑。

五絲結同心

鴛鴦

共池頻顧。分島爭飛。靜占銀塘新水。春澱明於鏡。閱數到七十成行。都紫最憐是處。雙棲穩。鎮長金藕花香底。俯江檻。誰拋蓮子。忽把夢兒驚起。有時雨翻珠細。却暗藏曲渚。翠偎紅倚。人在重簾下。遙生妒。一點相思輸與芳名。顛倒將伊寫。封兩字。綠窓小几。更語針娘繡。他交頸。須繡到白頭爲侶。

風入松

題寶應二真祠古松

銀壇鶴夢幾回醒。世已千齡。種得當時龍欲化。爭奈爾仙院長局。迸石香浮。鱗赤粘雲。冷播鬚青。似嫌秦爵有遺腥。金地蟠苓。偏袒老僧根。下坐看清宵。子落空庭。風靜聲猶謾謾。月高影自亭亭。

大有

魯謙庵先生牧松十餘載。晉秩淮陽。觀察不數月。掌臬中州。賦二闕奉貽。

繡羽新猷。錦鱗舊裔。駐雲間十年五馬。展芸編。唯有卓公堪亞。春上鶴亭秋桂閣。聽處處吹豳歌雅。烟火十萬家。今風流二千石也。御屏績題曰可。將姓字。銀毫玉蝓親寫。一俊淮揚。未許蕁江猶借。碧盡甓湖楊柳。已催到篠簜盈野。費幾回籌月尊。

前巡梅鈴下。

又

嶽色搖青。河聲走白。賦勝地才經枚馬。倚中天。萬堞寒雲相亞。執法星輝連月。觀照耀千秋風雅。梁獄寧尚寬乎。于門從茲大也。吾吳欲畱不可。念舊德。總有黃金難寫。內外兩河。爭說神君宜借坐。擁繁臺歌吹。悄無聞。踊謠清野。蚤迎到金策門前。玉環階下。

如此江山

湖口初夏和答查聲山弁以誌別

扁舟入手。記仙侶曾攜。雲帆西渡。鬢翠雙姑。髻青

五老忽到江山佳處身安且住。正水古宐經石奇
堪譜。紅豆詞成錦毫碎。落珊瑚樹。况是縱橫墨
妙。向曇礪小市。籠鶯辛苦。捷鬪吟多。狂嫌醉少。楚
澤來尋漁父。相逢湖滸。悵芍藥翻階。將離隨賦。百
二松間看愁人獨去。石鐘山畔有
百二松亭

又

金陵懷古

江來萬里看鐘阜。龍飛前朝王氣。渡認桃根巷。迎
燕子。猶似當年佳麗。碧香紅膩。又脂井妝凝綺樓
歌沸。花繞長干打潮。畫槳鴛鴦避。莫問興衰幾
度。問金鞭入夢。有人醒未。鑄鐵成尋量。珠盈斛。只
是斜陽難繫。驅愁無計。且宮錦裁袍。放舟天際。采
石磯頭。覓青蓮醉地。

尾犯

嘗笋

春光團野。正小園雨溼燕襟時候。銀塘昨夜輕雷
轉。有龍孫驚走。彈琴舊地。乍穿過苔茵厚。滿林間
絲。垢新痕。露華半帶泥覆。記得石泉燒後。清風
會與茗鬪。問蔣牙碧碗。手薦厨娘玉。纖誰瘦。拈豆
看蠶。合櫻聽鳥。同銷炎晝。想深谷未化。篔簹渭濱
嘗遍饒守。

好事近

秋夜舟行

十幅峭蒲帆。卸下柳西新月。舞岸螢光。紅小與林
燈明滅。客心淒斷在孤舟。好似初零葉。卧聽無
邊蟲語。把秋聲生咽。

南歌子

重過大梁旅舍

簾水雙鈎揭。屏山六扇圍。舊痕苔逕未全非。尚有
似人黃菊。淡相依。愁攪吟思亂。寒衝醉力微。不
堪雨色傷簷飛。終日沈沈。如夢送秋歸。

秋霽

柿

吟葉催肥。擁一帶斜陽。蔽盡秋屋。蒸棗烟疎。摘棉
雲小。滿林硬黃。初足晚陰。卧犢暗巢。未許來禽宿。

待夜珠如火。月明涼舸載千斛。須知蟹禁好。擘
寒膏笑。聞蘭閨紅漬。纖玉更炎窓。輕霜落杵。雙環
小印成銀麴。滿盃冰泉消暑酷。看貯愁處。依樣繡
作詩囊。蒂聯絲軟。瓢分綃。蹙

鵲橋仙

七夕

瑤鈎墜影。銀河息浪。鵲報雙星渡了。天家原不勝
人間也。只是離多會少。憤禪收曝。龍梭停織。秋
到蕭齋偏早。此生巧處。盡成愁且莫。願年年。賜巧

千秋歲

贈李蒼山

玉山秋曉。絳葉飛晴昊。籬下菊開猶小。銀垂廊月

皎碧染。被溪邈。羨此地。曾留八駿來。雙鳥賦得。
青蓮調。走却青牛道。衣錦客。年何少。樓簫吹鳳好。
庭樹生珠早。更喜是。北堂常對忘憂草。

惜秋華

晚眺

平野烟凝。見牧歸兩兩。隴頭人少。雉堞粉痕。遙映
殘霞飄渺。寒鴉幾點。孤村外。爭帶夕陽紅。小又何
處。疎鐘漸起。松關聲杳。遠近山如抱。但無邊。亂
碧影。隨峯倒。乍變一天暝色。素空雲掃。微涼陡入
西樓。纖月向林端來早。秋老愛初蟾。冷垂銀好。

拜月星慢

和答金道州

揣雪梁園。巡梅粵嶠。幾度愁天雲散。一紙書來。尚
錦談珠。辯塵衮衮。堪笑重分鶴俸。猶向杞厨抄飯。
共入長安。不惜雙鳧賤。看逶迤。接翠山容。菡萏更
何日。把盞鶯聲畔。多少旗亭舊事。總與春俱遠。記
柔情。祇賸青鏤管。花陰午。小閣薰風淺。待欹枕。寄
夢相尋。忽瘦紅。飄斷。

臨江仙

雨廳

榴纈乍繁。葵錦退。山城雨色淒迷。飛花舊徑。水成
池。燕歸無語。閒對畫簾垂。漸覺羅衣生。晚潤香
篝費。盡烟絲碧陰濃。壓粉墻低。驀然敲砌。枝果墜。

風時

聲聲慢

杏花

話晴燕小。吟暖蜂繁。香叢幾樹紅欹。有意憐春。墻頭半出。如窺鞦韆深院。記綵繩偏近高枝。凝望處。愛輕衫亂影。斜日遲遲。休問曲江舊事。但書莊藥市。映柳參差。欲駐仙魂。寄情多在芳卮。扶得玉樓人起。又一番風信。來時聽鶯好。且相尋。前村酒旗。

燕山亭

野人有餉李者用句曲外史咏楊梅調

廉井畱甘。仙蹊孕脆。董杏張梨堪亞。古越荒郊。幾

樹斜陽曾入。樵人閉話。占得佳名。每摘向綠陰朱夏。盈把看冰盃。初沈西園清夜。葉心時墜。風前疑暗落。金丸覓流鶯打。綵筆素箋。醉草疎牕。好與來禽同寫。雲壑相貽。又何用勞人重馬。問甚處再覓伯陽舊舍。

永遇樂

祝李內翰子德

八水珠旋。三峯玉峙。高齋何許。松不知年。桃能忘世。柳記先生里。舊山猿鶴依然無恙。回首帝鄉如咫。念當日蓬瀛高步。曾到北門仙李。袍攜獸錦。帙開螭翠。歸向書倉詩壘。著五千言。通三十乘。綵

筆隨時珥。秋來好時月。弧在戶。不用更餐雲子。但
笑看庭前玉樹。已森森矣。

菩薩蠻

題香笑亭

溼雲如夢愁難醒。曉來雙燕栖梁冷。最忍是東風。
吹殘杏靨紅。玲瓏花影照。亭小名香笑。點地繡
成衣。看他春自歸。

翠樓吟

春雪

風信頻催。雲陰忽定。密雪霏霏飄墜。萬家春樹冷。
早迷了灞橋歸騎。高樓誰倚。但曲檻留紅。重帷藏
翠。人姝麗。玉鑪香燼。畫簾垂地。好餘鬪草工夫。

將瓊獅爭塑。綵鈴雙繫。晚來攜燭照。怕明日簷前
朝霽。輕沾斜綴。任柳誤清眠。杏銷殘。醉門深閉。問
伊。悶。鶴。今年寒未。

聲聲慢

題如皋馬玉振小像

前身金粟舊侶。瓊簫偶然。夢落揚州。滿抱烟霞。寸
心早謝。悶愁時時。囊攜古錦。引黃衫。同控花虬。行
樂處。有歌聽燕筑。舞看吳鈎。似少游。今朝重見。
但徜徉下澤。不羨封侯。一笑相迎。江邊幾箇盟鷗。
試將蓉箋拂粉。趁華年。繪出風流。向杏天微醉。箕
坐科頭。

瑞鷓鴣

贈女校書宋巫仙

何來小玉早窺牆。殘夢離雲見曉妝。織屐罩霞三寸錦。禿襟搓粉一圍香。慣疑訛字當歌怯。暗解先機對奕忙。見說我為風月主。近前贏得道勝常。

青門引

客夜

槐古鴉棲暝。碧瓦雪融寒定。隔墻風送晚鐘聲。殘書讀罷。隱几曲肱枕。疎星照地禪扉靜。春倦消杯茗。夜闌行遠。紅燭伴人。還是愁人影。

清平樂

述懷

人來橋里。北斗城中寄。雲白塵黃分兩地。何事賦

歸猶未。可憐如羽年華。眼看輕擲天涯。粉堞數聲殘角。春深夢斷梅花。

風流子

贈吳玉濤

風流吳季子。青鏤管。夢取妙年時。向菴畫溪頭。慕他蘭氏。曇礪市上。換得鶯兒。真堪羨。橋林雲浩浩。葦草日遲遲。滕閣賓僚。邀題勝地。謝家絃管。待諧妍詞。正秋高仙掌。相逢處。引起舊日歸思。問我年來。吟興雪點衰髭。歎閭門曳馬。白還疑。練灞橋。握柳青不成絲。唱徹尊前金縷。同在天涯。

蝶戀花

平陽客舍杜子邁村席上遇女校書雅如戲贈

迢迢姑射來仙子。一點銀燈。照見櫻唇啟。蟬鬢犀梳慵不理。酒闌斜抱薰籠倚。俊賞杜郎今有幾。紅粉情多。家住鴛鴦水。薄倖名兒贏得未。請君證向茶烟裏。

永遇樂

祝家易庵夫子八十

菡萏門深。篔簹蹊永。爲小園地。正則庚寅。義熙甲子。絕異人間世。恍然回首。江山故國。幾見隙光奔驥。向疎牕。烏絲翠管。夢華遺事。曾記。北林枕月。南田巾雨。未忍一竿辭渭。點檢詩城。平章麴部。薄試閒經濟。瘦筇相引。何朝可杖。只合倚吟扶醉。儘

從容。文楸坐隱。橘中客至。

青玉案

徐內翰虹亭以所輯詞苑叢談見惠賦此志謝

蓬山夢斷蘋州雨。歸去作鷓夷子。拂黛研朱漁笛裏。玉堂嘉話。玉臺新詠。多少銷魂事。金花當日曾宣賜。早向華牋染佳句。試問而今流播處。三都傳寫。九江分餉。狼籍雲藍紙。

壺中天

題錢通政再亭書屋

鳳城左畔。是錦山貴冑。初成仙館。點檢封章歸直後。漸覺炎生軒檻。蕉扇羅輕。榴衣纈小。芳影參差。滿蒲萄引蔓。翠深珠帳如染。待得散帙方慵揮。

杯欲醉。又簾鈎日晚。一點涼蟾懸柳外送。到玉簫聲遠。清簟高眠。平臺長嘯。有客如嵇阮。竹林舊侶。容他禮數。疎簡。

青玉案

繡毬花

粉叢細剪春風葉。天工巧。勻成纈。碧樹紅閨愁欲絕。仰蜂斜抱。流鶯輕蹴。未解芳心結。團圓有意。憑誰說。看枝上。雲重疊。纖手莫教容易折。梨階香擁。絮簾珠綴。同照玲瓏月。

喜遷鶯

贈黃子鴻

青門孤旅。又柳換薰風。梅招芳雨。房相棐軒。鄴侯

鶴徑尚想舊經行處。點染一枝銀管。雜遝千行珠履。渺回首。忽十年。蕉夢光陰如許。當代論才子。江夏無雙。是曩時仙侶。註水成經。裁雲顧曲。爛熳錦囊生計。久作風塵眠蝶。乍遇江鄉盟鷺。浩歌也。對青尊素髮。一聲金縷。

畫錦堂

祝高歷庵八十

泉引珠濤。林開錦岫。高門舊設蘭綺。千載風流。重見翩翩書記。細論獄文官舍。燭疾揮檄。草戎軒紙。誰知己。縱酒放歌。交惟狹荆狂李。歸計成小圃。但碁鬪楸枰。琴調綈几。白髮鬢。日作萬頭蠅字。

鳩杖方看鑄玉碧。鳳函已到封泥紫。秋風起。羨爾臨溪理釣。孝廉船裏。歷庵令子為丙子孝廉

賀新涼

中秋送鄭子源還醉里


小閣青山夜。正中秋雲破。遙天彩蟾光射。芳桂飄花。紛似粟。燕子商量辭社。問佳景向誰再借。千里湖邊。蕙夢斷。染羈愁素髮。絲盈把。綃衣冷。露珠瀉。

鷓鴣詞客來吳下。喜他鄉開尊相對。碧柑紅鮓。


明日扁舟離海國。南浦高帆已挂。還憶我。楓江魚舍。舊徑菊松無恙否。羨君歸我亦謀歸也。淵明賦。手重寫。



卷下終



警 備 遠 西
築 閣 遠 西



居 在 丹 徒

東 亦 以 至 其 後
月 則 其 後 西